

四庫全書

經部

欽定四庫全書

左傳杜林合注卷三十三

明 王道焜

趙如源 同編

襄公九

經

戊午

三十年春王正月楚子使薳罷來聘

林郊教書楚子薳罷書名

氏儼然無異於中國矣。罷音皮

○夏四月蔡世子般弑其君固

按景公弑

靈公般立。般音班

○五月甲午宋災

天火曰災

○宋伯姬卒。○天王

殺其弟佞夫

稱弟以惡王殘骨肉

○王子瑕奔晉

不言出奔周無外

○秋

七月叔弓如宋葬宋共姬

共姬從夫諡也叔弓叔老之子卿共葬事禮過厚三月而

葬速○共音恭

○鄭良霄出奔許

耆酒荒淫書名罪之

自許入于鄭

不言復入

獨還無兵

○鄭人殺良霄○冬十月葬蔡景公

無傳

○晉人齊

人宋人衛人鄭人曹人莒人邾人滕人薛人杞人小邾

人會于澶淵宋災故

杜會未有言其事者此言宋災故以惡宋人不克已自責而出會求

財○諸侯之大夫不序晉不足以為盟主也晉之不足以主盟自宋始傳言不書魯大夫諱之也○澶古然反

傳三十年春王正月楚子使薳罷來聘通嗣君也

即位郊教

穆叔問王子之為政何如

杜王子圉為令尹

對曰吾儕小人食

而聽事猶懼不給命而不免於戾焉與知政

林言我輩小人食其祿而

聽其政事猶恐不給於君之命令而不能免於罪戾安能與知楚國之政事○儕士皆反焉於度反與音預下

同固問焉不告穆叔告大夫曰楚令尹將有大事子蕩

將與焉

林言王子圉將有弑君之大事子蕩即遽罷將與其事

助之匿其情矣

林

罷不言其為政是助子圉藏匿其邪慝之情矣蓋子圉素責郊教微弱諸侯皆知其將為亂故穆叔問之○慝

其乙

○子產相鄭伯以如晉叔向問鄭國之政焉對曰

吾得見與否在此歲也

林言禍亂方興死生未可必得見不得見未可知決在今年○

相息良方爭未知所成

駟氏子哲也良氏伯有也

若有所成吾得

見乃可知也

林若得所平我不死而得見乃可知其政之所歸

叔向曰不既和

矣乎

林前平大夫已與兩家為和盟于伯有氏

對曰伯有侈而懷

杜懷狠也懷彼力

反

子皙好在上莫能相下也雖其和也猶相積惡也

惡至無日矣

杜為此年秋良霄出奔傳好呼報反下遐稼反

○二月癸未晉

悼夫人食輿人之城杞者

杜輿衆也城杞在往年○食音嗣

絳縣人或

年長矣無子而往與於食

林以無子息故自受役向自受役故今亦自往受享○長

下大反

有與疑年使之年

林將有所與見其年老疑其年使言其年

曰臣小人

也不知紀年臣生之歲正月甲子朔四百有四十五甲

子矣其季於今三之一也

杜所稱正月謂夏正月也林其未至於今自甲子甲戌至

癸未凡二十日故為三分六甲之一

吏走問諸朝

因皆不知故問之

師曠曰魯叔

仲惠伯會卻成子于承匡之歲也

杜在文十一年林老人在是以是歲生

是

歲也

林兼言此年事

狄伐魯叔孫莊叔於是乎敗狄于鹹獲長

狄僑如及虺也豹也而皆以名其子七十三年矣

杜叔孫僑

如叔孫豹皆取長狄名林自乙巳至今年戊午七十四年而言七十三年以甲子計之也○鹹音咸僑其驕反

虺虛鬼反

史趙曰

林晉大史名趙

亥有二首六身下二如身是其日

數也

林古亥字二畫在上三人在下故以二為首以二為身下亥字上二畫豎置身傍始身當為亥字此

是老人始生至今之日數也蓋以二首為二萬六身為六十六百六十日也

士文伯曰然則

二萬六千六百有六旬也

杜文伯士弱子林此說四百四十五甲子其季於今三之

一也之日數四百四十五甲子合得二萬六千七百日以其未三分六甲之一故少四十日實得二萬六千六

百六十日也

趙孟問其縣大夫則其屬也

杜屬趙武

名之而謝過

焉

林趙孟以老人為賢故召而見之且謝已不知人之過

曰武不才任君之大事

以晉國之多虞不能由吾子也

由用

使吾子辱在泥塗久

矣武之罪也敢謝不才遂任之使助為政辭以老與之

田使為君復陶

杜復陶王衣服之官復音服又音福

以為絳縣師

杜縣師掌

地域辨其夫家人民

而廢其輿尉

林以絳縣輿尉之官役使孤老而廢其職

於是魯使

者在晉歸以語諸大夫季武子曰晉未可媮也

杜媮薄也○使

所吏反語魚據反媮他候反

有趙孟以為大夫有伯瑕以為佐

杜伯瑕士

伯文有史趙師曠而咨度焉有叔向女齊以師保其君其

朝多君子其庸可媮乎勉事之而後可

傳言晉所以強不失諸侯且明

歷也○度待洛反

○夏四月己亥鄭伯及其大夫盟

杜駟良爭故

君

子是以知鄭難之不已也

杜鄭伯微弱不能制其臣下君臣詛盟故曰亂未已○難

乃旦反

○蔡景侯為大子般娶于楚通焉大子弑景侯終



子產言有子禍也。○為干偽反。

○初王儋季卒。

儋季周靈王弟。儋丁甘反。

其子拈

將見王而歎。

杜拈。拈除服見靈王入朝而數。○拈古活反。見賢遍反。

單公子愆期為

靈王御士。

林愆期周卿士。單公子也。○單音善。愆起虔反。

過諸廷。

愆期行過王廷。

聞其

歎而言曰。

林此曰字以下。述儋拈之言。

烏乎必有此夫。

欲有此朝廷之權。○夫音

扶入以告王。且曰。必殺之不感。而願大視躁而足高心。

在他矣。不殺必害。

林顏容不感。面志願甚大。目視躁疾。而舉足其高。儋拈之心有他圖矣。不

殺儋拈必為王室之害。○躁早報反。

王曰。童子何知。

林童子謂愆期。

及靈王崩。儋

拈欲立王子佞夫。

佞夫靈王子景王弟。

佞夫弗知。戊子。儋拈圍為

逐成愆

林為周邑成愆為邑大夫。為干委反。

成愆奔平時

平時周邑。時音止又音。

市五月癸巳尹言多劉毅單蔑甘鞏成殺佞夫

五子周大夫。

過音戈鞏力勇反。

括瑕廖奔晉

杜括廖不書賤也林瑕廖皆儋括之黨。廖力彫反又教留反。

書曰天王殺其弟佞夫罪在王也

杜佞夫不知故經書在宋災下從赴。

或叫于宋大廟

叫呼也。弔反大音泰。

曰譖譖出

譖譖熱也出出戒伯。

姬。譖許其反出如字。

鳥鳴于亳社

杜殷社。

如曰譖譖

皆火妖也。

甲午宋

大災宋伯姬卒待姆也

杜姆女師林伯姬待姆而後下堂故為火所焚而死。姆音茂。

字林亡又反一音母。

君子謂宋共姬女而不婦

林言共姬知為女道而不知為婦。

道之女待人

杜待人行

婦義事也

杜義從宜也伯姬時年六十左右

○六月

鄭子產如陳蒞盟歸復命告大夫曰陳亡國也不可與

也

不可與結好聚禾粟繕城郭恃此二者而不撫其民

林恃此禾

粟之多城郭之固二者而不撫恤其民人則城非不高池非不深禾粟非不多必有委而去之之患矣○繕上

戰反其君弱植公子侈大子卑大夫敖政多門

杜政不由一人○植

直吏反又時力反教五報反

以介於大國也

介問能無亡乎不過十年

矣

為昭八年楚滅陳傳○秋七月叔弓如宋葬共姬也

傷伯姬之遇災故使

卿共葬○共音恭

○鄭伯有耆酒為窟室

杜窟室地室○耆市志反窟口忽反

而

夜飲酒擊鐘焉朝至未已

林為長夜之飲奏樂於地室之中至天明伯有之家臣來

朝者已至而飲酒猶未已

朝者曰公焉在

杜家臣故謂伯有為公焉於虔反

其人曰

吾公在壑谷

杜壑谷窟室壑呼洛反

皆自朝布路而罷

杜布路分散○罷皮

買反徐扶彼反

既而朝

杜伯有朝鄭君

則又將使子皙如楚

○前年既和今又欲

強使子皙奉使于楚

歸而飲酒庚子子皙以駟氏之甲伐而焚之

伯有奔雍梁

雍梁鄭地雍於用反

醒而後知之

林及伯有酒醒而後知家毀身出○醒星

頂反遂奔許大夫聚謀

林鄭大夫聚謀所以處駟良之道

子皮曰仲虺之

志

仲虺湯左相

云亂者取之亡者侮之推亡固存

林滅亡者推而蹶之

安存者固而重之

國之利也罕駟豐同生

罕子皮駟子哲豐公孫段也三家本同母

兄

伯有汰侈故不免

杜三家同出而伯有孤特又汰侈所以亡汰音泰

人謂子

產就直助彊

林時人或告子產當就子哲之直助三家之強以共攻伯有

子產曰豈

為我徒

杜徒黨也言不以駟良為黨

國之禍難誰知所敝

林國家之有禍難誰

能預知其

或主彊直難乃不生

杜言能強能直則可弭難今三家未能則伯有

方爭口難乃

姑存吾所

杜欲以無所附著為所

辛丑子產歛伯有

氏之死者而殯之不及謀而遂行

杜不與於國謀○敏力豔反下同

印

段從之

林義子產

子皮止之衆曰人不我順何止焉

林人謂子產也

言其不順駟氏又何必止而留之

子皮曰夫子禮於死者況生者乎夫林

子謂子產加禮於死者為之殯歟則其加禮於我生者可知

遂自止之壬寅子產入

癸卯子石入

杜子石印

皆受盟于子皙氏乙巳鄭伯及其

大夫盟于大宮

杜大宮祖廟

盟國人于師之梁之外

師之梁鄭城門

伯有聞鄭人之盟已也怒聞子皮之甲不與攻已也喜

曰子皮與我矣癸丑晨自墓門之瀆入

墓門鄭城門瀆音豆

因

馬師頡介于襄庫以伐舊北門

林頡即羽頡子羽孫也為馬師之官介甲也用

襄庫之兵甲以伐鄭伯之舊北門

頡戶結反馬帶率國人以伐之

杜駟帶子西子哲之

宗主皆召子產

杜駟氏伯有俱召

子產曰兄弟而及此吾從天所

與

林子皙伯有皆子產兄弟  
兄弟恩等故無所偏助

伯有死於羊肆

杜羊肆市列

子

產祿之枕之股而哭之斂而殯諸伯有之臣在市側者

既而葬諸斗城

杜斗城鄭地名  
禓音遂枕之鳴反

子駟氏欲攻子產子

皮怒之曰禮國之幹也殺有禮禍莫大焉乃止

杜斂葬伯有為

有禮

於是游吉如晉還聞難不入

懼禍并及  
難乃旦反

復命於介

杜介副使也

八月甲子奔晉駟帶追之及酸棗與子上盟用

兩珪質于河

杜子上駟帶也沈珪於河為信也  
酸棗陳留縣○質如字又音致

使公孫

肸入盟大夫已已復歸

杜游吉歸也肸許乙反

書曰鄭人殺良霄

不稱大夫言自外入也

既出位絕非復鄭大夫

於子蟜之卒也

杜

蟜公孫蕢卒在十年○蟜居表反

將葬公孫揮與裨竈晨會事焉

杜會葬事

過伯有氏其門上生莠子羽曰其莠猶在乎

杜子羽公孫揮以莠

喻伯有伯有侈知其不能久存○莠羊九反草也

於是歲在降婁降婁中而旦

杜降婁奎婁也周七月今五月降婁中而天明○降戶江反下同

裨竈指之曰猶可以

終歲

杜指降婁也歲星十二年而一終

歲不及此次也已

杜歲星不再及此降婁之

次伯有必先亡也

及其亡也歲在姬訾之日

林姬訾訾室東壁二十八年歲星淫



在玄枵今三十九年在姬訾是歲星停其明年乃及降婁

杜果如裨竈歲不及此次之言僕展從伯有與之皆死僕展鄭大夫伯有黨羽頡

出奔晉為任大夫

杜羽頡馬師頡仕晉縣今屬廣平郡。任音士

雞澤之會

在三

年鄭樂成奔楚遂適晉羽頡因之與之比而事趙文子

言伐鄭之說焉以宋之盟故不可

宋盟約弭兵故。北毗志反

子皮

以公孫鉏為馬師

杜鉏子罕之子代羽頡

○楚公子圍殺大司馬

蔣掩而取其室

蔣掩二十五為大司馬

申無宇曰王子必不免

無宇茅尹

善人國之主也王子相楚國將善是封殖而虐之是禍

國也且司馬令尹之偏

偏佐也。相息亮反。

而王之四體也

杜俱股肱

也

絕民之主去身之偏艾王之體以禍其國無不祥大

焉何以得免

杜為昭十三年楚弑靈王傳。艾魚廢反。

○為宋災故諸侯之

大夫會以謀歸宋財

林謀以財歸宋。賑其災患。為于偽反。

冬十月叔孫

豹會晉趙武齊公孫蠆宋向戌衛北宮佗

佗北宮括之子。佗徒河

反

鄭罕虎

杜虎子皮

及小邾之大夫會于澶淵既而無歸于

宋故不書其人君子曰信其不可不慎乎澶淵之會卿

不書不信也夫諸侯之上卿會而不信寵名皆棄不信

之不可也如是

林寵謂族也族與名皆棄不書。夫音扶。

詩曰文王陟降在

帝左右信之謂也

杜詩大雅言文王所以能上接天下接人動順帝者唯以信。

又曰

淑慎爾止無載爾偽

杜逸詩也言當善慎舉止無載行詐偽。

不信之謂也

林恐其不信不合於天德也。

書曰某人某人會于澶淵宋災故尤之

也

傳云既而無歸所以釋諸侯大夫之不書也。又云宋災故尤之所以釋向戌之并貶也。戌為正卿深致火

災燒殺其夫人未聞克己之意而以求財合諸侯故與不歸財者同文。

不書魯大夫諱之

也

向戌既以災求財諸大夫許而不歸客主皆貶君子以尊尊之義也。君親有隱故畧不書。魯大夫以示例。

○鄭子皮授子產政

伯有死子皮知政以子產賢故讓之。辭曰國小而偪

○杜偏近大國族大寵多林公族盛大而恃寵者多不可為也治也子

皮曰虎帥以聽誰敢犯子林虎子皮名言虎帥公族以聽命誰敢犯子之命令子

善相之國無小杜言在治政小能事大國乃寬言為大所恤故也子

產為政有事伯石賂與之邑杜伯石公孫段有事欲使之子大叔曰

國皆其國也奚獨賂焉杜言鄭大夫共憂鄭國事何為獨賂之子產曰無

欲實難言人不欲能無欲皆得其欲以從其事而要其成非我有

成其在人乎林若人皆得其所欲以從國家之事而要責其成功事既有成乃出於我豈在於他

人乎○要何愛於邑邑將焉往杜言猶在國馬於虔反子大叔曰

若四國何

杜恐為四鄰所笑

子產曰非相違也而相從也

杜言賂以邑欲

為和順

四國何尤焉

怪也尤

鄭書有之

杜鄭國史書

曰安定國家

必大焉先

杜先和大族而後國家安

姑先安大以待其所歸

杜要其成也

既伯石懼而歸邑卒與之

杜卒終也

伯有既死使大史命伯

石為卿辭大史退則請命焉

杜請大史更命已

復命之又辭如

是三乃受策入拜

杜伯石乃受策命以入拜謝於君。三息暫反又如字

子產是

以惡其為人也

杜惡其虛飾。惡烏路反

使次已位

畏其作亂故寵之

子產

使都鄙有章

杜國都及邊鄙車服尊卑各有分部

上下有服

公卿大夫服不相踰

田

有封洫

杜封疆也  
洫溝也

廬井有伍

杜廬舍也九夫為  
井使五家相保

大人之

忠儉者

杜謂卿  
大夫

從而與之泰侈者因而斃之

杜因其有  
罪而斃

之豐卷將祭請田焉弗許

林豐卷字子張將祭於家請  
田攬以供祭○卷春勉反徐

居阮  
反

曰唯君用鮮

杜鮮  
野獸

衆給而已

杜衆臣祭以  
芻豢為足

子張怒

杜子張  
豐卷

退而徵役

出召兵欲  
攻子產

子產奔晉子皮止之而逐

豐卷豐卷奔晉子產請其田里

杜請於公  
不沒入

三年而復之

反其田里及其入焉

杜田里  
所收入

從政一年與人誦之曰取

我衣冠而褚之

杜褚畜也奢侈者畏法  
故畜藏○褚張呂反

取我田疇而伍

之林並畔為疇兼并者失孰殺子產吾其與之及三年

又誦之曰我有子弟子產誨之我有田疇子產殖之殖杜

生也○殖時力反徐是力反子產而死誰其嗣之杜嗣續也傳言鄭所以興

經已三十有一年春王正月○夏六月辛巳公薨于楚

宮公不居先君之路寢而安所樂失其所也○秋九月癸巳子野卒不書葬未成君

○己亥仲孫羯卒○冬十月滕子來會葬杜諸侯會葬非禮林諸侯

來會葬於是始○癸酉葬我君襄公○十有一月莒人弑其君

密州杜不稱弑者主名君無道也○韋比公弑展與立

傳三十一年春王正月穆叔至自會杜澶淵見孟孝伯

語之曰趙孟將死矣其語偷不似民主杜偷苟且○語

且年未盈五十而諄諄焉如八九十者弗能久矣杜成

戰於鞏趙朔已死於是趙文子始至襄三十年會澶淵蓋年四十七八故言未盈五十林諄諄鄭重之貌○

諄之閏反又之純反若趙孟死為政者其韓子乎杜韓子吾子盍

與季孫言之可以樹善林使季武子早與韓宣子樹君

子也言韓起有君子之德晉君將失政矣若不樹焉使早備魯使

子早為既而政在大夫林晉君失政則散韓子懦弱大



夫多貪求欲無厭齊楚未足與也

林魯不堪晉求雖欲改事齊楚未有足恃

者○懦乃亂反厭於鹽反

魯其懼哉孝伯曰人生幾何誰能無偷朝不

及夕將安用樹稼叔出而告人曰孟孫將死矣吾語諸趙

孟之偷也而又甚焉

杜言朝不及夕偷之甚也○幾豈居反

又與季孫語

晉故

如與孟孫言

季孫不從及趙文子卒

在昭元年

晉公室卑政

在侈家韓宣子為政不能圖諸侯魯不堪晉求讒慝弘

多是以有平丘之會

平丘會在昭十三年晉人執季孫意如

○齊子尾害

閭丘嬰欲殺之

林子尾即公孫蒍以閭丘嬰為己害欲以計殺嬰

使帥師以伐

陽州

陽州魯地

我問師故

魯以師往問齊何故伐我

夏五月子尾殺閭丘

嬰以說于我師

杜言伐魯者嬰所為也伐陽州不書不成伐○說如字

工倭灑渚

竈孔虺賈寅出奔莒

四子嬰之黨○僂力侯反灑所雙反舊所綺反渚生領反虺許鬼反

出羣公子

為昭十年樂高之難復羣公子起本

○公作楚宮

杜適楚好其宮歸而作之

穆叔曰大誓云民之所欲天必從之

今尚書大誓亦無此文故諸儒疑之

○大音泰

君欲楚也夫故作其宮

林襄公欲從楚故好楚而作其宮○夫音扶

若

不復適楚必死是宮也六月辛巳公薨于楚宮叔仲帶

竊其拱壁

杜拱壁公大壁

以與御人納諸其懷而從取之由是

得罪

杜得罪謂魯人薄之故子孫不得志於魯

○立胡女敬歸之子子野

胡歸

姓之國敬歸襄公妾

次于季氏秋九月癸巳卒毀也

過哀毀瘠以致滅性○

己亥孟孝伯卒

終穆叔言

○立敬歸之娣齊歸之子公子稠

杜齊諡稠昭公名○娣大計反稠直由反

穆叔不欲曰大子死有母弟則立

之無則立長

杜立庶子則以年○長丁文反

年鉤擇賢義鉤則卜古之

道也

杜先人事後卜筮也義鉤謂賢等

非適嗣何必娣之子

杜言子野非適嗣○

適丁反

且是人也居喪而不哀在慼而有嘉容是謂不度

不度之人鮮不為患若果立之必為季氏憂

林其後二十五年果

攻季氏。鮮息淺反。○武子不聽卒立之比及葬三易衰衰社如故。

衰林衰喪服也。昭公所衣衰輒弊凡三次更易新者社蒙下也。衰已三易其蒙下復如舊衰可見其嬉戲無

度。○比必利反。三如字又息暫反。於是昭公十九年矣。衰七雷反。社而甚反。徐而鳩反。

林昭公立時已年十九歲。猶有童心。君子是以知其不能終也。○為昭

五年公孫於齊傳。○冬十月滕成公來會葬情而多涕。○情不發也。○情

徒臥反。涕他禮反。子服惠伯曰滕君將死矣怠於其位而哀已

甚兆於死所矣。○杜有能無從乎。林能無從之而死乎。○為昭三年滕子卒傳。

癸酉葬襄公。○公薨之月子產相鄭伯以如晉晉侯以

我喪未之見也子產使盡壞其館之垣而納車馬焉士

文伯讓之曰敝邑以政刑之不修寇盜充斥

杜充滿斥見言其多

○相息亮反盡津忍反壞音怪下皆同館古亂反字從食字。云客舍也旁作舍非垣音袁牆也

無若

諸侯之屬辱在寡君者何是以令吏人完客所館

杜館舍也

○令力呈反

高其閑閤

林閑閤也里門曰閑閤門也衡門謂之閤○閑戶旦反閤獲耕反

厚

其牆垣以無憂客使

杜無令客使憂寇盜○使所吏反

今吾子壞之雖

從者能戒其若異客何

林雖鄭之從者知所戒備他國賓客來者何以待之○從才用

同反下

以敝邑之為盟主繕完葺牆

杜葺覆也○葺侵入反徐音集又子入反

謂以草覆牆

以待賓客若皆毀之其何以共命寡君使白請命

林士文伯名句字伯瑕與范宣子士句同族同名杜請問毀垣之命。共音恭句本作焉古害反

對曰

以敝邑褊小介於大國

介問也。褊必以反。

誅求無時

杜誅責也。

是以不敢

寧居悉索敝賦以來會時事

杜隨時來朝會。索所白反又悉名反。

逢執事

之不聞而未得見又不獲聞命未知見時不敢輸幣亦不敢

暴露其輸之則君之府實也非薦陳之不敢輸也

林薦陳猶獻見

也不敢以非禮輸納於府庫。聞音聞見賢遍反暴步下反下同

其暴露之則恐燥濕

之不時而朽蠹以重敝邑之罪僑聞文公之為盟主也

杜僑子產

名文公晉重耳。燥素耳反。蟲丁故反。蟲敗也。重直用反。下同。僑其驕反。宮室卑庫無觀臺榭。

以崇大諸侯之館。館如公寢庫廐繕修司宮以時平易道路。林音。

君所居宮室務從卑小。惟諸侯之館舍則崇大之。館中藏幣之庫養馬之廐莫不繕治修葺。司空掌邦土故使之以。

時平易道路又易治也。庫音婢亦音卑觀古。巧人以時填。

亂反土馬曰臺有水曰榭廐九又反易以政反。巧人以時填。

館宮室。杜巧人塗者填塗也。諸侯賓至旬設庭燎。杜庭燎設。

大於庭。燎力妙反。徐力遙反庭燎大燭。僕人巡宮。杜巡宮行夜。車馬有所杜有。

從有代。杜代客役。巾車脂轄。巾車主車之官。轄戶略反。隸人牧圉各瞻。

其事。林各明視客之所為以供其事。百官之屬各展其物。杜展陳也。謂羣官各陳其。

物以  
待賓  
公不留賓而亦無廢事  
賓得速去則事不廢  
憂樂同之事則

巡之  
林賓之憂樂晉則同其好惡事之得失  
教其不知

而恤其不足賓至如歸無寧菑患  
林賓至客館百用備給如歸私家見遇如

此寧當復有菑患邪  
無寧寧也○菑音災  
不畏寇盜而亦不患燥濕今銅鞮

之宮數里  
林銅鞮晉離宮○鞮丁兮反數所主反  
而諸侯舍於隸人  
館舍如隸

舍門不容車而不可踰越  
杜門牆之內迫近又有牆垣之限  
盜賊公行

而天癘不戒  
杜癘猶災也言水潦無時  
賓見無時命不可知  
林召見之命不

可知測○  
見賢遍反  
若又勿壞是無所藏幣以重罪也敢請執事



將何所命之

問晉命已所止之宜

雖君之有魯喪亦敬邑之憂也

言鄭與魯亦有同姓之憂

若獲薦幣

杜薦進也

修垣而行

杜行夫也

君之惠也

敢憚勤勞文伯復命

杜反命於晉君

趙文子曰信

杜信如子產言

我實

不德而以隸人之垣以羸諸侯

林羸受也所以受諸侯館舍之垣牆誠如徒隸

所居羸音盈

是吾罪也使士文伯謝不敏焉晉侯見鄭伯有

加禮

杜禮加敬

厚其宴好而歸之乃築諸侯之館叔向曰辭

之不可以已也如是夫子產有辭諸侯賴之若之何其

釋辭也

林諸侯皆恃賴之以得改築館舍○好呼報反夫音扶讀者以其夫為下句首

詩曰辭

之輯矣民之協矣辭之繹矣民之莫矣

杜詩大雅言辭輯睦則民協同

辭說繹則民安定莫猶也。輯音集又七八反繹音亦。

其知之矣

謂詩人知辭之有益。○鄭

子皮使印段如楚

林時鄭伯在晉故言子皮使印段如楚

以適晉告禮也

得事大國之禮

○莒犂比公生去疾及展輿

杜犂比莒子密州之號。○犂力私反

又力兮反此音毘

既立展輿

杜立以爲世子

又廢之犂比公虐國人患

之十一月展輿因國人以攻莒子弑之乃立

杜展輿立爲君

疾奔齊齊出也

林母齊女也

展輿吳出也

爲明年奔吳傳

書曰莒人

弑其君買朱鉏

杜買朱鉏密州之字

言罪之在也

杜罪在鉏也傳始例申明君臣

書載今者父子故重復明例

○吳子使屈狐庸聘于晉

狐庸巫臣之子也成七年

適吳為行人

通路也

通吳晉之路

趙文子問焉曰延州來季

子其果立乎

杜延州來季札邑

巢隕諸樊

在二十五年隕于敏反

閹戕戴

吳

杜在二十九年戴吳餘祭閹音昏戕在良反

天似啓之何如對曰不立是

二王之命也

林言此乃諸樊戴吳之天命當死

非啓季子也若天所啓

其在今嗣君乎

嗣君謂夷昧

甚德而度

林德行修而度量廣

德不失民

杜民

歸德度不失事

杜審事情

民親而事有序其天所啓也有吳

國者必此君之子孫實終之季子守節者也雖有國不

立

杜言其三尤雖欲傳國與之終不肯立

○十二月北宮文子相衛襄公

以如楚

杜文子北宮佗襄公獻公子○相息亮反

宋之盟故也

杜晉楚之從交相見也

過鄭印段廷勞于棗林如聘禮而以勞辭

杜用聘禮而用郊勞之辭

○過古禾反廷于况反勞力報反下同棗芳尾反

文子入聘

杜報印段

子羽為行人

馮簡子與子大叔逆客

杜逆文子

事畢而出言於衛侯曰鄭

有禮其數世之福也其無大國之討乎詩云誰能執熱

逝不以濯

杜詩大雅濯以水濯手○數所主反濯直角反

禮之於政如熱之有

濯也濯以救熱

林有禮以節其政如有濯以救其熱

何患之有

杜此以上文子辭

子產之從政也擇能而使之馮簡子能斷大事子大叔

美秀而文

杜其貌美其才秀斷丁亂反下同

公孫揮能知四國之為

杜

諸侯所欲為

而辨於其大夫之族姓班位貴賤能否而又善

為辭令

林凡諸侯之臣族姓之同異班位之高下人物之貴賤才具之能否皆能辨別又且長於應對

裨諶能謀謀於野則獲謀於邑則否

林謀於寬間之野則得其所謀謀於

喧囂之邑則不得其所謀此其才性之敝。裨諶支反諶市林反

鄭國將有諸侯之事

子產乃問四國之為於子羽且使多為辭令與裨諶乘

以適野使謀可否而告馮簡子使斷之事成乃授子大

叔使之以應對賓客是以鮮有敗事北宮文子所謂

有禮也

杜傳跡子產行事北宮文子之言。乘繩證反鮮息淺反。

○鄭人游於鄉校

鄉之學校也。校戶孝反下同鄭國謂學為校。

以論執政

杜論其得失

然明謂子產

曰毀鄉校如何

杜患人於中謗議國政

子產曰何為夫人朝夕退

而游焉以議執政之善否

林早見曰朝暮見曰夕。夫音扶下同朝直遙反書如字

其所善者吾則行之其所惡者吾則改之是吾師也若

之何毀之我聞忠善以損怨

杜為忠善則怨謗息。惡烏路反又如字。

不聞

作威以防怨

杜欲毀鄉校即作威

豈不遽止然猶防川

遽畏懼也

大決

所犯傷人必多吾不克救也不如小決使道

杜道通也道音導

不如吾聞而藥之也

杜以為藥石

然明日蔑也今而後知吾

子之信可事也小人實不才若果行此其鄭國實賴之

豈唯二三臣仲尼聞是語也曰以是觀之人謂子產不

仁吾不信也

杜仲尼以二十二年生於是十歲長而後聞之

○子皮欲使尹何

為邑

為邑大夫

子產曰少未知可否

尹何年少少詩燕反

子皮曰愿

吾愛之不吾叛也

杜愿謹善也愿音願

使夫往而學焉夫亦愈

知治矣

杜夫謂尹何

子產曰不可人之愛人求利之也今吾

子愛人則以政

杜以政與之

猶未能操刀而使割也其傷實

多

杜多自傷操七刀反

子之愛人傷之而已其誰敢求愛於子

子於鄭國棟也棟折榱崩僑將厭焉敢不盡言

杜棟榱也棟所

以架榱棟毀折則榱崩壞屋壞則人將覆壓故言僑將壓焉。棟所迫反厭於甲反徐於輒反下同

子有

美錦不使人學製焉

杜製裁也。製音制

大官大邑身之所庇也

而使學者製焉其為美錦不亦多乎

杜言宮邑之重多於美錦。庇必利

反又音祕

僑聞學而後入政未聞以政學者也若果行此必

有所害譬如田獵射御貫則能獲禽

杜貫習也。貫古患反

若未



嘗登車射御則敗績厭覆是懼何暇思獲子皮曰善哉  
虎不敏吾聞君子務知大者遠者小人務知小者近者  
我小人也衣服附在吾身我知而慎之大官大邑所以  
庇身也我遠而慢之杜慢易也。覆芳服反。微子之言吾不知也

他日我曰子為鄭國我為吾家以庇焉其可也今而後

知不足

自知謀慮不足謀其家

自今請雖吾家聽子而行子產曰

人心之不同如其面焉吾豈敢謂子面如吾面乎抑心

所謂危亦以告也

林子面不如吾面吾心豈如子心安敢使子之家事皆聽我而後行也抑

我心以此事為危而不  
安則亦不敢不告於子  
子皮以為忠故委政焉子產是

以能為鄭國

杜傳言子產之治乃子皮之力

○衛侯在楚北宮文子見

令尹圍之威儀言於衛侯曰令尹似君矣將有他志

言語

瞻視行步不常

雖獲其志不能終也

林雖使得遂篡國之志必不善終

詩云靡

不有初鮮克有終終之實難令尹其將不免公曰子何

以知之對曰詩云敬慎威儀惟民之則令尹無威儀民

無則焉民所不則以在民上不可以終

林民之所不取法而居民上以

君臨之不可以善保其終○鮮息淺反

公曰善哉何謂威儀對曰有威而

可畏謂之威有儀而可象謂之儀君有君之威儀其臣

畏而愛之則而象之故能有其國家令聞長世

林畏而愛之則

非暴虐之威法而象之則非具文之儀故能臣有臣之

威儀其下畏而愛之

林不言則而象之承上文也

故能守其官職保

族宜家順是以下皆如是足以上下能相固也

林順是君臣以

下至於父子兄弟夫婦朋友士農工商皂隸牧圉各有威儀是以上下相安堅固如此

衛詩曰威

儀棣棣不可選也

杜詩那風棣棣富而聞也選數也○此那風刺衛頃公故曰衛詩棣直計

反

言君臣上下父子兄弟内外大小皆有威儀也周詩

曰朋友攸攝攝以威儀

杜詩大雅攸所也攝佐也

言朋友之道必相教

訓以威儀也周書數文王之德

杜逸書此舉周書太誓篇

曰大國畏

其力小國懷其德言畏而愛之也

林此解書以證上文畏而愛之之說

詩

云不識不知順帝之則言則而象之也

杜大雅又言文王行事無所斟

酌唯在則象上天林此解詩以證上文則而象之之說

紂囚文王七年諸侯皆從

之囚紂於是乎懼而歸之可謂愛之文王伐崇再駕而

降為臣

杜文王聞崇德亂而伐之三旬不降退修教而復伐之因壘而降。降戶江反

蠻夷帥

服可謂畏之文王之功天下誦而歌舞之可謂則之文

王之行至今為法可謂象之有威儀也

林此以下詳言君子之威儀。

行下孟反下同

故君子在位可畏施舍可愛進退可度周旋可

則容止可觀作事可法德行可象聲氣可樂動作有文

言語有章以臨其下謂之有威儀也

林度則法皆法也五言之者文法之

變○樂音洛又音岳

左傳杜林合注卷三十三

欽定四庫全書

左傳杜林合注卷三十四 明 王道焜

趙如源 同編

昭公一

公名裊襄公子母齊歸在位二十五年遷于齊在外八年凡三十三年薨于乾侯諡

法威儀恭

明曰昭

周

景王四年。魯昭公二十二年景王崩王猛立是年卒王室亂弟敬王立昭二十三年尹氏立王子朝昭

二十六年敬王入于成周王子朝出奔楚

鄭

簡公二十五年。魯昭公十二年簡公卒子定公立昭二十八年定公卒于獻公薨立

齊

景公七年

宋

平公三十五年。魯昭公十年平公卒子元公佐立昭二十五年元公卒子景公頭曼立

晉

平公十七年。晉趙武為政魯昭公十年平公卒子昭公夷立魯昭公韓起為政魯昭公十年平公卒子昭公夷立魯昭公

十六年晉昭公卒子頃公去疾立昭二十八年魏舒為政昭三十年頃公卒子定公午立

衛

襄公三年。魯昭公七年襄公卒子靈公元立

蔡

靈公三年。魯昭公十一年楚殺蔡靈公滅蔡昭十年楚平王封蔡蔡侯廬立是為平公昭二十年平

公卒天子朱立昭二十一年朱奔楚平公弟悼公東國立昭二十三年悼公卒弟昭公申立

曹

武公十四年。魯昭公十四年武公卒子平公須立昭十八年平公卒子悼公午立昭二十七年悼公卒

弟聲公野立昭三十二年平公  
弟通弒聲公代立是為隱公

滕

成公三十五年。魯昭公三年成公卒悼  
公寧立昭二十八年悼公卒頃公結立

陳

哀公二十八年。魯昭公八年哀公卒楚滅陳  
昭十三年楚平王封陳陳侯吳立是為惠公

杞

文公九年。魯昭公六年丈公卒弟平公  
郁釐立昭二十四年平公卒子悼公成立

薛

魯昭三十一年見薛獻公穀卒自  
入春秋來薛始書名子襄公定立

莒

展與元年。魯昭公元年齊納莒公子去疾是為著  
丘公展與奔吳昭十四年著丘公卒子郊公立是年

奔齊著丘公弟庚與立是為共公  
昭二十三年庚與來奔齊納郊公

邾

悼公十五年。魯昭公  
元年悼公卒莊公穿立



許惲公六年。魯昭公九年。遷于夷。昭十八年。遷于白羽。昭十九年。惲公弒。斯立。

邾穆公二十一年。魯昭公十七年。小邾穆公來朝。

楚鄭敖四年。魯昭公元年。楚圍弒鄭敖。而自立。改名度。是為靈王。楚還。罷為令尹。昭十三年。靈王弒。平王居立。即棄疾。使子旂為令尹。昭十四年。殺成然。子瑕為令尹。昭二十三年。子常為令尹。昭二十三年。平王

卒。子昭王軫立。

秦景公三十六年。魯昭公五年。景公卒。子哀公立。

吳夷昧三年。魯昭公十五年。夷昧卒。子王僚立。昭二十七年。僚弒閭廬。立一名光。諸樊子。

越魯昭公五年。越會楚伐吳。始見經。即書人。

經庚申元年春王正月公即位傳無。叔孫豹會晉趙武楚

公子圍齊國弱宋向戌衛齊惡陳公子招蔡公孫歸生

鄭罕虎許人曹人于虢

杜招實陳侯母弟不稱弟者義與莊二十五年公子友同今讀

舊書則楚當先晉而先書趙武者亦取宋盟貴武之信故尚之也衛在陳蔡上先至於會。招常遠反虢爪百

反

○三月取鄆

杜不稱將卑師少書取言易也。於是李孫宿伐莒取鄆則書法何以異於宣

十年歸父伐邾歸父伐邾猶公命也此專取邑而已。鄆音運

○夏秦伯之弟鍼出奔

晉

稱弟罪秦伯鍼其康反

○六月丁巳邾子華卒

杜無傳三同盟。悼公卒莊公

穿○晉荀吳帥師敗狄于大鹵

杜大鹵太原晉陽縣林晉自悼公以來狄師不

出敗狄至是而再見其再見何晉彌衰也至伐鮮虞春秋遂狄晉矣○大如字徐音泰鹵音魯穀梁傳云中國

曰太原夷狄曰大鹵○秋莒去疾自齊入于莒杜國逆而立之曰入○前言齊無知

弑其君後言齊小白入于齊前言莒人弑其君後言去疾入于莒則不與弑之辭也前言衛侯入于齊陳乞弑

其君與弑之辭也辭有先後罪有大小○莒展與出奔故曰屬辭比事春秋教也○去起呂反○莒展與出奔

吳杜弑君賊未會諸侯故不稱爵○叔弓帥師疆鄆田春取鄆今正其封疆○疆居良

反○葬邾悼公無傳○冬十有一月己酉楚子麇卒楚以麇疾

赴故不書弑○麇九倫反楚公子比出奔晉書名罪之

傳元年春楚公子圍聘于鄭且娶於公孫段氏伍舉為

介林段子石也。伍舉椒舉介副也。將入館杜就客舍。鄭人惡之知楚懷詐。惡烏路。

反使行人子羽與之言乃館於外杜舍城外。既聘將以衆逆

○以兵入逆婦。子產患之使子羽辭曰以敝邑褊小不足以容

從者請墀聽命杜欲於城外除地為墀行昏禮。○褊必淺反下同。從才用反。墀音善。令尹

命大宰伯州犇對曰林令尹即公子圍伯州犇。君辱貺

寡大夫圍謂圍將使豐氏撫有而室杜豐氏公孫段也。言將使公孫段之。

女撫有汝之室家。圍布几筵告於莊共之廟而來莊王圍之祖共王圍之父。

○共音恭。若野賜之林若於城外為墀。是賜之於郊野。是委君貺於草莽也

是寡大夫不得列于諸卿也

杜言不得從卿禮

不寧唯是又使

圍蒙其先君

杜蒙欺也告先君而來不得成禮於女氏之廟故以為欺先君

將不得為

寡君老

大臣稱老懼辱而黜退

其蔑以復矣唯大夫圖之子羽曰

小國無罪恃實其罪

杜恃大國而無備則是罪

將恃大國之安靖已

而無乃包藏禍心以圖之

林鄭之婚楚本欲恃楚以安靖其國家今楚以兵入逆無

乃包藏禍心以圖襲鄭

小國失恃而懲諸侯使莫不憾者距違君

命而有所壅塞不行是懼

杜言已失所恃則諸侯懲恨以距君命壅塞不行所懼唯

此不然敝邑館人之屬也

杜館人守舍人也

其敢愛豐氏之祧

杜杜桃桃遠遠祖祖廟廟  
○桃他彫彫反

伍舉知其有備也請橐而入

杜垂橐示無弓。橐古刀

反衣

許之正月乙未入逆而出遂會于虢

杜虢鄭地

尋宋之

盟也

宋盟在襄二十七年

初午謂趙文子曰宋之盟楚人得志于

晉

杜得志謂先軫午祁奚子

今令尹之不信諸侯之所聞也子弗戒

惏又如宋

杜恐楚復得志

子木之信稱於諸侯猶詐晉而駕馬

杜駕猶陵也詐謂衷甲○駕如字又音加下同

况不信之尤者乎

尤甚也

楚重得

志於晉晉之恥也

林重再也○重直用反

子相晉國以為盟主於

今七年矣

杜襄二十五年始為政以春言故云七年○相息亮反

再合諸侯

襄二十五年

年會夷儀二十六年會澶淵

三合大夫

杜襄二十七年會于東三服十年會澶淵及今會號也

齊狄寧東夏

杜襄二十八年齊侯白狄朝晉林齊狄服則東方諸侯皆安

平秦亂

襄二

十六年秦晉為成

城淳于

襄二十九年城杞之淳于杞遷都○淳音純

師徒不頓國

家不罷民無謗讟

謝誹也○罷音皮讟音獨

諸侯無怨天無大災子

之力也有令名矣而終之以恥午也是懼吾子其不可

以不戒文子曰武受賜矣

杜受午言

然宋之盟子木有禍人

之心武有仁人之心是楚所以駕於晉也

林子木攝兵是有禍人之

心武欲弭兵是有愛人之心此楚所以得志陵駕於晉

今武猶是心也楚又行僭

子僭不信。僭念反。下同。非所害也。武將信以為本循而行之。譬如

農夫是穠是藁

林穠耘也。墾苗為藁。穠彼藁反。藁古本反。

雖有饑饉必有豐

年

杜言耕鋤不以水旱息必獲豐年之收。林以喻守信者有所屈必有所伸。○僅其靳反。

且吾聞

之能信不為人下吾未能也

自恐未能信也。

詩曰不僭不賊鮮不

為則信也

杜詩大雅僭不信賊害人也。○鮮息淺反。

能為人則者不為人下

矣吾不能是難楚不為患楚令尹圍請用牲讀舊書加

于牲上而已

杜舊書宋之盟書楚恐晉先歆故欲從舊書加于牲上不歆血經所以不書盟。○難

乃旦反。晉人許之三月甲辰盟楚公子圍設服離衛

杜設君服



二人執戈陳於前以自衛離陳也叔孫穆子曰楚公子美矣君哉杜美服似

君鄭子皮曰二執戈者前矣禮國君行有二執戈者在前蔡子家曰

蒲宮有前不亦可乎杜公子園在會特緝蒲為王殿屋屏蔽以自殊異言既造王宮而居

之雖服君服無所怪也楚伯州犂曰此行也辭而假之寡君林言公子

國此役嘗以辭令假借君服於楚君杜問諸大夫譏之故言假以飾令尹過鄭行人揮曰假

不反矣杜言將遂為君伯州犂曰子姑憂子皙之欲背誕也裏

十年鄭子皙殺伯有背命放誕將為國難言子且自憂此無為憂令尹不反戈○背音佩誕音但子羽

曰當璧猶在假而不反子其無憂乎杜子羽行人揮當璧謂棄疾事在昭

十三年言棄疾有當璧之命雖取國猶將有難不無憂也

齊國子曰吾代二子愍

矣

杜國子國弱也二子謂王子圍及伯州犂圍此冬便篡位不能自終州犂亦專為圍所殺故言可愍陳

公子招曰不憂何成二子樂矣

杜言以憂生事事成而樂。樂音洛下同衛

齊子曰苟或知之雖憂何害

杜齊子齊惡言先知為備雖有憂難無所損害宋

合左師曰大國令小國共吾知共而已

杜共承大國命不能知其禍福

音恭晉樂王鮒曰小旻之卒章善矣吾從之

杜小旻詩小雅其卒

章義取非唯暴虎馮河之可畏也不敬小人亦危殆王鮒從斯義故不敢譏議公子圍。鮒音附旻亡巾反

退會子羽謂子皮曰叔孫絞而婉

杜絞切也譏議似君反謂之美故曰婉。

絞古卯反  
姚紆阮反

宋左師簡而禮

無所臧否故曰簡共事大國故曰禮

樂王鮒字

而敬

字愛也不犯凶人所以自愛敬

子與子家持之

杜子子皮子家蔡公孫歸生持之言

無所取與

皆保世之主也齊衛陳大夫其不免乎國子代人憂

子招樂憂齊子雖憂弗害

林國弱云代二子愍故為代人憂陳公子招云不憂何成

二子樂矣是以憂為樂衛齊惡云雖憂何害是以憂為無害

夫弗及而憂與可憂而

樂與憂而弗害皆取憂之道也憂必及之大誓曰民之

所欲天必從之

杜逸書

三大夫兆憂憂能無至乎

言開憂兆也

言以知物其是之謂矣

杜物類也察言以知禍福之類八年陳招殺大子國弱齊惡當

身各無患。季武子伐莒取鄆。兵未加莒而鄆服故書取而不言伐莒人告於

會楚告子晉曰：尋盟未退。杜尋弭兵之盟而魯伐莒，瀆齊盟。林瀆

慢齊一請戮其使。杜時叔孫豹在會欲戮之。使所吏反下同樂桓子相趙

文子。杜桓子樂王鮒相佐也。相息亮反欲求貨於叔孫而為之請，使請

帶焉。杜難指求貨故以帶為辭。為子偽反弗與。梁其經曰：貨以藩身子

何愛焉。杜經叔孫家臣林言人之有貨賄所以藩衛其身如藩籬然何愛於貨不以免禍。經戶定反

藩方元反叔孫曰：諸侯之會，衛社稷也。我以貨免，魯必受師。言不

戮其使必是禍之也。何衛之為人？之有牆以蔽惡也。喻已

為國衛如牆之隙壞誰之咎也

林既為垣牆而有隙可窺有壞可踰是不能蔽

惡其咎在牆也

○隙去逆反 衛而惡之吾又甚焉

林既為國衛而露其惡則吾之罪又

甚于

雖怨季孫魯國何罪

杜怨季孫之伐莒

叔出季處有自來

矣吾又誰怨

杜季孫守國叔孫出使所從來久今遇此戮無所怨也

然鮒也賄弗

與不已召使者裂裳帛而與之曰帶其褊矣

言帶褊盡故裂裳示

不相逆

賄呼罪反 趙孟聞之曰臨患不忘國忠也

杜謂言魯國何罪

思

難不越官信也

杜謂言叔出季處難乃旦反下同

圖國忘死貞也

杜謂不以

免 謀主三者義也

杜三者忠信貞

有是四者又可戮乎

杜併義而四

乃請諸楚曰魯雖有罪其執事不辟難執事謂畏威而

敬命矣

謂不敢辟戮

子若免之以觀左右可也若子羣吏處

不辟汚

杜汚勞事汚音烏下同

出不逃難

杜不苛免

其何患之有患之

所生汚而不治難而不守所由來也能是二者又何患

焉不靖其能其誰從之

杜安靖賢能則衆附從

魯叔孫豹可謂能

矣請免之以靖能者子會而赦有罪

杜不伐於魯

又賞其賢

○赦叔孫

諸侯其誰不欣焉望楚而歸之視遠如邇

林視楚之遠如

在近境不憚勤勞以事楚國

疆場之邑一彼一此何常之有

言今衰世疆場

無定主。疆居  
良反。場音易。

王伯之令也。

杜言三王五伯有令命時

引其封疆。

杜引

正也。正  
封界。

而樹之官。

杜樹立也。立官以守國。

舉之表旗。

杜旌旗以表貴賤。

而

著之制令。

為諸侯作制度法令使不得相侵犯。

過則有刑，猶不可壹。於是

乎虞有三苗。

三苗饕餮於三危者。

夏有觀扈。

杜觀國今頓丘衛縣扈在始平鄠縣書序

曰啓與有扈戰于甘之野。觀音館舊音官。扈音戶。

商有姚卨。

杜二國商諸侯卨今下卨縣。姚西

典反。又西禮反。邳皮悲反。

周有徐奄。

二國皆嬴姓。書序曰成王伐淮夷，遂踐奄。徐即淮夷。

自無

令王諸侯逐進。

逐猶競也。

狎主齊盟，其又可壹乎。

杜彊弱無常故更主

盟。狎。甲反。恤大舍小，足以為盟主。

林憂恤其大者如篡弑滅亡之禍，舍棄其小者。

如戰伐侵奪之事

又焉用之

杜焉用治小事焉於度反

封疆之削何國蔑

有主齊之盟者誰能辯焉

杜辨治也

吳濮有釁楚之執事豈

其顧盟

杜吳在東濮在南今建寧郡南有濮夷釁過也言濮有過於楚楚之為執政者豈有顧弭兵

之盟不稱兵以治其過

○濮音卜釁許靳反 莒之疆事楚勿與知諸侯無煩

不亦可乎莒魯爭鄆為日久矣苟無大害於其社稷可

無亢也

林苟不為莒國社稷之大害不必亢禦之可也○與音預亢苦浪反徐音剛

去煩宥

善莫不競勸

林去煩細之事宥善良之人則入莫不爭勸於為善

子其圖之固請

楚人許之乃免叔孫令尹享趙孟賦大明之首章

杜大明詩



大雅首章言文王明明照於下故能赫赫盛  
於上令尹意在首章故特稱首章以自光大  
趙孟賦小

宛之二章

杜小宛詩小雅二章取其各敬爾儀天命不  
又言天命一去不可復還以戒令尹○宛紆

阮

事畢趙孟謂叔向曰令尹自以為王矣何如

問將能  
成否

對曰王弱令尹彊其可哉

杜言  
可成

雖可不終趙孟曰何故

對曰彊以克弱而安之彊不義也

林以臣之彊勝君之  
弱而安之以為當然

是臣彊  
而不義

不義而彊其斃必速詩曰赫赫宗周褒姒滅之

彊不義也

杜詩小雅褒姒周幽王后幽王惑焉而不行  
義遂至滅亡言雖赫赫盛彊不義足以滅之

令尹為王必求諸侯晉少懦矣

杜懦  
懦乃亂反

諸侯將往

若獲諸侯其虐滋甚

滋益也

民弗堪也將何以終夫以彊

取

杜取不以道

不義而克必以為道道以淫虐弗可久已矣

林身既不義而又克勝必以不義為道以淫縱暴虐為常道不能久居天位也已為十二年楚弑靈王傳○

夏四月趙孟叔豹曹大夫入于鄭

杜會罷過鄭

鄭伯兼享之

子皮戒趙孟

戒享期

禮終趙孟賦瓠葉

杜受所戒禮畢而賦詩瓠葉詩小雅

義取古人不以微薄廢禮雖瓠葉兔首猶與賓客享之○瓠戶故反

子皮遂戒穆叔且告

之

杜告以趙孟賦瓠葉

穆叔曰趙孟欲一獻

杜瓠葉詩義取薄物而以獻酌知欲一獻

子其從之子皮曰敢乎

杜言不敢

穆叔曰夫人之所欲也又

何不敢

杜夫人趙孟夫音扶

及享具五獻之籩豆於幕下

朝聘之制

大國之卿五獻私於子產

杜私語

曰武請於冢宰矣

杜冢宰子皮請謂賦叔葉

乃用一獻趙孟為客禮終乃宴

卿會公侯享宴皆折俎不體薦

穆叔賦

鵲巢

杜鵲巢詩召南言鵲有巢而鳩居之喻晉君有國趙孟治之

趙孟曰武不堪也

又賦采芣

杜亦詩召南義取芣芣薄物可以薦公侯享其信不求其厚。芣音煩

曰小國

為芣大國省檣而用之其何實非命

杜穆叔言小國微薄猶芣芣大國能

省愛用之而不棄則何敢不從命檣愛也。○省所景反徐所幸反

子皮賦野有死麇之

卒章

杜野有死麇詩召南卒章曰舒而脫脫兮無感我帔兮無使尫也。吐脫脫安徐帔佩巾義取君子徐

以禮來無使我失節而使狗驚吠喻趙孟以  
義撫諸侯無以非禮相加陵。麇九倫反 趙孟賦常

棣

杜常棣詩小雅取其凡今之人莫如兄弟言欲親兄弟之國。棣直計反

且曰吾兄弟比

以安危也可使無吠

林受子皮之詩言我兄弟比合以安靖危狗可使無驚吠之恐。此

毘志反危武江反

穆叔子皮及曹大夫興拜

杜三大夫皆兄弟國興起也

舉

兕爵曰小國賴子知免於戾矣

杜兕爵所以爵不敬言小國蒙趙孟德比以安

自知免此罰戮。兕徐履反戾力計反下同

飲酒樂趙孟出曰吾不復此矣

杜不復見此樂。樂音洛

○天王使劉定公勞趙孟于潁館於雒汭

杜王周景王定公劉夏潁水出陽城縣雒汭在河南鞏縣南水曲流為汭。勞力報反下同潁營井反汭如銳

反劉子曰美哉禹功杜見河維而思禹功明德遠矣微禹吾其魚

乎吾與子弁冕端委以治民臨諸侯禹之力也杜弁冕冠也

委禮衣言今得共服冠冕有國家者皆由禹之功子盍亦遠績禹功而大庇民

乎杜勸趙孟使纂禹功○蓋戶獵反績或作績庇必利反又音秘對曰老夫罪戾是懼

焉能恤遠吾儕偷食朝不謀夕何其長也言欲苟免目前不能念長

久○焉於度反下同劉子歸以語王曰諺所謂老將知而耄及之

者杜八十曰耄耄亂也林言人至老當有智識而耄亂反及之○語魚據反知音智耄莫報反其趙

孟之謂乎為晉正卿以主諸侯而儕于隸人朝不謀夕

杜言其自比於賤人而無恤民之心棄神人矣民為神主不恤民故神人皆去神怒民叛

何以能久趙孟不復年矣杜言將死不復見明年神怒不歆其祀

民叛不即其事民神所忿怒不敬享其祭祀祀事不從

又何以年為此冬趙孟卒起本○叔孫歸杜虢會歸曾天御季孫以勞

之旦及日中不出杜恨季孫伐莒使已幾被戮○天於非反曾天謂曾阜曾阜

叔孫家臣○曰旦及日中吾知罪矣魯以相忍為國也

阜扶九反林言魯國褊小但以能相忍忍故立國不為人所叛忍其外不忍其內焉用之欲受

楚戮是忍其外日中言叔孫勞役在外數月○數所主反阜曰數月于外

一旦於是庸何傷

林言季孫一旦相待於此用何傷害

賈而欲贏而惡鬻

乎

言譬如商賈求贏利者不得惡誼罵之聲○賈音古贏音盈惡烏路反下同罵許驕反徐五高反

阜

謂叔孫曰可以出矣叔孫指楹曰雖惡是其可去乎乃

出見之

杜楹柱也以喻魯有季孫猶屋有柱

○鄭徐吾犯之妹美

杜犯鄭大夫

公孫楚聘之矣

杜楚子南穆公孫

公孫黑又使強委禽焉

禽鴈也納

采用鴈

○

犯懼告子產子產曰是國無政非子之患也

林言此乃鄭國政令不正所致非徐吾氏之憂

唯所欲與犯請於二子請使女

擇焉皆許之子皙盛飾入布幣而出

杜布陳贄幣子皙公孫黑

子南

戎服入左右射超乘而出女自房觀之曰子皙信美矣

抑子南夫也

杜言丈夫乘繩證反

夫夫婦婦所謂順也適子南氏

子皙怒既而橐甲以見子南欲殺之而取其妻子南知

之執戈逐之及衝擊之以戈

杜衡交道

子皙傷而歸告大夫

曰我好見之不知其有異志也故傷大夫皆謀之子產

曰直鈞幼賤有罪罪在楚也

杜先聘子南直也子南用戈子皙直也子產力未能

討故鈞其事歸罪于楚○奸如字又呼報反直鈞音均絕句

乃執子南而數之曰國

之大節有五女皆奸之

奸犯也○女音汝下皆同奸音干

畏君之威聽



其政尊其貴事其長養其親五者所以為國也今君在

國女用兵焉不畏威也奸國之紀不聽政也

杜奸國之紀謂傷人○長

丁丈反養如字下同

子皙上大夫女嬖大夫而弗下之不尊貴也

幼而不忌不事長也

杜忌畏也○嬖必計反下戶嫁反

兵其從兄

林子皙子

南之從父兄也而以兵傷之○從如字又才用反

不養親也君曰余不女忍殺

宥女以遠勉速行乎無重而罪

林稱鄭伯之命言我不忍遽然而便殺汝姑從

寬宥放汝於遠地女可自勉速行遠去無增重汝之罪○重直用反又直勇反

五月庚辰鄭放

游楚於吳

林游楚即公孫楚子南也

子產咨于太叔

大叔游楚之兄子

大叔

曰吉不能亢身焉能亢宗

杜亢蔽也亢苦浪反

彼國政也非私

難也

林彼謂子南被逐乃國之政令非私家之患難也○難乃且反

子圖鄭利則行之

又何疑焉周公殺管叔而蔡蔡叔

杜蔡放也○昔周公攝政二叔流言周公

乃辟管叔于商囚蔡叔于郭鄰○上蔡字素葛反說文作蔡音同云摠盤散之也下蔡叔如字

夫豈不

愛王室故也吉若獲戾子將行之何有於諸游

為二年鄭殺公

孫黑傳○夫音扶

○秦后子有寵於桓如二君於景

杜后子秦桓公子景

公母弟鍼也其權寵如兩君

其母曰弗去懼選

選數也恐景公數其罪而加戮○選息轉

反徐素短反下同

癸卯鍼適晉其車千乘書曰秦伯之弟鍼出

奔晉罪秦伯也

杜罪失教。乘繩證反下同。

后子享晉侯

為晉侯造設享禮。

舟于河

造舟為梁通秦晉之道。造七報反。李巡注爾雅云比其船而度也。郭云併舟為橋。十里。

舍車

杜一舍八乘為八反之備。

自雍及絳

林雍秦都絳晉都杜雍絳相去千里用車八百乘。

用反歸取酬幣

杜備九獻之儀始禮自齋其一故續送其八酌酒幣終事八反。每

里以八乘車各以次載幣相授而還不徑至故言八反。千里用車八百乘其二百乘以自隨故言千乘傳言秦

鉞之出極奢富以成禮欲盡敬於所赴。司馬侯問焉曰子之車盡於此而

已乎對曰此之謂多矣若能少此吾何以得見

言已坐車多故

出奔。見賢通反。

女叔齊以告公

杜叔齊司馬侯。女音汝。

且曰秦公子必

歸臣聞君子能知其過必有令圖令圖天所贊也后子

見趙孟趙孟曰吾子其曷歸

杜問何時當歸

對曰鍼懼選於寡

君是以此將待嗣君趙孟曰秦君何如對曰無道趙

孟曰亡乎對曰何為一世無道國未艾也

杜艾絕也林先君之德澤

在人心國未艾絕也。艾魚廢反

國於天地有與五焉

言欲補助之者多

不數

世淫弗能斃也趙孟曰天乎對曰有焉趙孟曰其幾何

對曰鍼聞之國無道而年穀和熟天贊之也

杜贊佐助也。幾居

豈反下同鮮不五稔

杜鮮少也少尚當歷五年多則不害。鮮息淺反稔而甚反

趙孟視

蔭曰朝夕不相及誰能待五

杜蔭曰景也趙孟意哀以日景自喻故言朝夕不相

及誰能待五

○蔭於金反 后子出而告人曰趙孟將死矣主民翫歲

而惕曰

林翫惕皆貪也言執政為民之主而貪翫歲日○翫五喚反惕苦蓋反

其與幾何

不言

能久○與如

○鄭為游楚故

杜游楚子南○為于偽反

六月丁巳鄭

伯及其大夫盟于公孫段氏罕虎公孫僑公孫段印段

游吉駟帶私盟于閨門之外實薰隧

杜閨門鄭城門薰隧門外道名實之

者為明年子產數子哲罪稱薰隧盟起本○閨音圭薰許云反隧音遂

公孫黑彊與於盟

使大史書其名且曰七子

自欲同於六卿故曰七子○彊其大反與音預子產

弗討

杜子哲彊討之恐亂國

○晉中行穆子敗無終及羣狄于大

原

杜即大鹵也無終山戎。犬音泰

崇卒也

杜崇聚也。卒子忽反下同

將戰魏舒

曰彼徒我車所遇又阨

言地險不便車。阨本又作隘於懈反

以什共車

必克

更增十人以其音恭

困諸阨又克

車每困於阨道今去車故為必克

請皆卒

去車為步卒

自我始乃毀車以為行

魏舒先自毀其屬車為步陳

行戶五乘為三伍

乘車者車三人五乘十五人今改去車更以五人為伍分為三伍。乘繩

證荀吳之嬖人不肯即卒斬以徇

杜魏舒執斬之荀吳不恨所以能立功

徇辭反為五陳以相離

林制步卒為五陳互相救援蓋以道阨難於用衆故臨時之宜制為

五陳不相聯屬易於進退如下文所云

兩於前伍於後專為右角參為左

角偏為前拒

林其居前之陳名曰兩一也其居後之陳名曰伍二也其右軍之陳名曰專三也其

左軍之陳名曰參四也其前拒之陳名曰偏五也此皆臨時處置之名○拒九甫反以誘之翟人

笑之

笑其失常

未陳而薄之

林乘狄人未陳迫而擊之

大敗之

傳言荀吳能用善謀

○莒展與立而奪羣公子秩公子召去疾于齊

按前年去疾奔

齊今羣公子怒展與故召欲立之

秋齊公子鉏納去疾

齊雖納去疾莒人先召之故從

國逆例

展與奔吳

杜吳外孫

○叔弓帥師疆鄆田因莒亂也

此春取鄆今正其疆界○疆居良反於是莒務婁瞽胡及公子滅明以大

龐與常儀靡奔齊

杜二子展與黨大龐常儀靡莒二邑務如字又音謀一音無音莒一

音謀死

君子曰莒展之不立

林莒展即展與不終立為君

棄人也夫

武江反

奪羣公子秋是棄人○夫音扶

人可弃乎詩曰無競維人善矣

杜詩周頌言惟

得入則國家彊○競彊也言莫彊於用人

○晉侯有疾鄭伯使公孫僑如晉

聘且問疾叔向問焉曰寡君之疾病卜人曰實沈臺駘

為祟史莫之知敢問此何神也子產曰昔高辛氏有二

子伯曰閼伯季曰實沈

杜高辛帝嚳○駘他才反崇息遂反閼於葛反

居于曠

林不相能也

曠林地關○能如字又奴代反

日尋干戈以相征討

杜尋用也



后帝不臧

杜后帝堯也臧善也○不善二子所為

遷閼伯于商丘主辰

杜商

丘宋地主祀辰星辰大火也

商人是因故辰為商星

杜商人湯先相土封商丘因關

伯故國祀辰星遷實沈于大夏主參

杜大夏今晉陽縣林參水星也主祀參星○參所林

反唐人是因以服事夏商

杜唐人若劉累之等累遷魯縣此在大夏

其季世

曰唐叔虞

杜唐人之季世其君曰叔虞

當武王邑姜方震大叔

邑姜武王

后齊大公之女懷胎為震大叔成王之弟叔虞○震本又作娠之慎反又音申大音泰下同

夢帝謂

己余命而子曰虞

杜帝天取唐君之名

將與之唐屬諸參

林屬諸參星之分野而

蕃育其子孫及生有文在其手曰虞遂以命之及成王

滅唐而封大叔焉故參為晉星

叔虞封唐是為晉侯  
○屬之王反蕃音頓由

是觀之則實沈參神也昔金天氏有裔子曰昧為玄冥

師生允格臺駘

杜金天氏帝少皞裔遠也玄冥水  
官昧為水官之長○裔以制反

臺駘

能業其官

林纂昧  
之業

宣汾洧

宣猶通也汾洧二水名  
○汾扶云反洧他刀反障大澤

杜陂障之○障  
之尚反又音章

以處大原

大原晉陽也  
臺駘之所居

帝用嘉之封諸

汾川

杜帝  
顓頊

沈姒蓀黃實守其祀

四國臺駘之後  
沈音審姒音以

今晉

主汾而滅之矣

杜滅  
四國

由是觀之則臺駘汾神也抑此二

者不及君身

林抑此二神所降災福不  
及國君之身生其疾病

山川之神則水

旱癘疫之災於是乎禳之

杜有水旱之災則禳祭山川之神若臺駘者周禮四曰禳

祭為營擯用幣以祈福祥○癘音例疫音役禳音詠徐音榮

日月星辰之神則雪霜

風雨之不時於是乎禳之

杜星辰之神若實沈者

若君身則亦出

八飲食哀樂之事也山川星辰之神又何為焉

杜言實沈臺駘

不為君疾○樂音洛

僑聞之君子有四時朝以聽政晝以訪問夕

以修令夜以安身

杜一日之中君子分為四時各治其事且氣清明入事之始故以聽治國

政日中為市衆之所聚故以訪問可否日之所為夕而念之故以修節號令夜氣所存良心可復安故安息身

體

於是乎節宣其氣

宣散也

勿使有所壅閉湫底以露其

體林壅謂氣止而不行閉謂氣塞而不通湫謂氣聚而不散底謂氣泄而不快露羸也節宣失時則血氣集滯而肌體羸露也。湫子小反

徐音秋底  
丁禮反

茲心不爽而昏亂百度

杜茲此也爽明也  
百度百事之節

今無乃壹之

言同四時

也則生疾矣僑又聞之內官不及同姓

杜內官嬪御

其生不殖

林殖長也蓋男女同

姓雖有生產不能長殖

美先盡矣則相生疾

杜同姓之相與先美矣美極則盡盡則生

疾君子是以惡之故志曰買妾不知其姓則卜之

林卜而得

吉必非同姓者矣。惡如字又烏路反

違此二者古之所慎也

杜壹四時取同姓二

者古人所慎

男女辨姓禮之大司也

杜辨別也

今君內實有四姬

焉

杜同姓姬四人

其無乃是也乎

林其母乃由是生疾乎

若由是二者弗

可為也已

也為治

四姬有省猶可無則必生疾矣

林言公平時

若據異姓去同姓於四姬進御猶有減省則病猶可已若無減省則必美盡而生疾矣。省所景反徐所幸反

叔向曰善哉肸未之聞也此皆然矣叔向出行人揮送

之

杜送叔向

叔向問鄭故焉且問子皙對曰其與幾何

杜言將敗

不久。與如字又音預幾豈居反

無禮而好陵人怙富而卑其上

林無禮而

剛故好陵犯於人怙富而驕故敢卑弱其上。好呼報反怙音戶

弗能久矣

為明年鄭殺公孫黑

傳晉侯聞子產之言曰博物君子也重賄之晉侯求醫

於秦秦伯使醫和視之曰疾不可為也是謂近女室疾

如蟲

杜。蟲。感。疾。音。古。

非鬼非食

林。非。由。鬼。神。非。由。飲。食。

惑以喪志

杜。感。女。色。

而。失。志。良。臣。將。死。天。命。不。祐。

杜。良。臣。不。匡。救。君。過。故。將。死。而。不。為。天。所。祐。

○

祐。昔。又。

公曰女不可近乎對曰節之

林。言。女。色。非。不。可。近。祖。當。有。節。

先王

之樂所以節百事也故有五節

杜。五。聲。之。節。

遲速本末以相

及

林。其。為。聲。也。由。遲。而。速。由。本。而。末。以。成。中。和。之。聲。

中聲以降五降之後不容

彈矣

林。降。罷。退。也。此。謂。先。王。之。樂。得。中。聲。聲。成。而。罷。退。五。降。而。息。不。容。彈。作。○。降。音。絳。下。同。或。戶。江。反。彈。

徒。丹。反。又。徒。且。反。

於是有煩手淫聲惱堙心耳乃忘平和君子

弗聽也

林。五。降。不。息。則。襍。聲。並。奏。非。彈。之。正。是。為。煩。手。非。聲。之。正。是。為。淫。聲。惱。藏。其。心。堙。塞。其。耳。乃。忘。

平和之聲所為鄭衛之聲物亦如之言百事皆如至子

煩乃舍也已無以生疾

杜煩不吝則生疾。舍音捨。

君子之近琴瑟

以儀節也非以惱心也

杜為心之節儀使動不過度。

天有六氣

謂陰陽風

雨晦降生五味

謂金味辛木味酸水味鹹火味苦土味甘皆由陰陽風雨而生。

發為五

色

辛色白酸色青鹹色黑苦色赤甘色黃發見也。

徵為五聲

言白聲商青聲角黑聲羽赤聲徵黃

聲宮徵驗也。

淫生六疾

杜淫過也滋味聲色所養人然過則生害。

六氣曰陰陽

風雨晦明也分為四時序為五節

杜六氣之化分而序之則成四時得五行

之過則為菑陰淫寒疾

寒過則為冷。菑音災下同。

陽淫熱疾

熱過則喘。

渴風淫末疾

杜末四支也風為緩急

雨淫腹疾

杜雨濕之氣為洩注

晦淫惑

疾

晦夜也為晏寢過節則心惑亂

明淫心疾

明晝也思慮煩多心勞生疾

女陽物而

晦時淫則生內熱惑蠱之疾

杜女常隨男故言陽物家道常在夜故言晦時林以

其陽淫故生內熱之疾以

今君不節不時能無及此乎

林好樂既無其節宴寢不有其時能無至此不可治療之疾乎

出告趙孟趙孟曰誰當

良臣對曰主是謂矣主相晉國於今八年晉國無亂諸

侯無闕可謂良矣和聞之國之大臣榮其寵祿任其大

節有舊禍興而無改焉必受其咎

林享君之尊寵厚祿以為已榮受君之政



事節度以為已任國家將有失道之禍而不能  
改行以救其災必自受其咎歟。相自亮反

今君至

于淫以生疾將不能圖恤社稷禍孰大焉主不能禦吾

是以云也

林趙孟身為大臣不能格君而禦止之我是以云趙孟將死也

趙孟曰何謂

盞對曰淫溺惑亂之所生也

杜溺沈沒於嗜欲

於文皿蟲為盞

杜文字也皿器也器受蟲害者為盞。血命景反字林音猛

穀之飛亦為盞

言穀久積則變

為飛蟲名曰盞

在周易女惑男風落山謂之盞三三

杜巽下艮上盞林巽

為長女艮為少男少男而說長女非正盞惑之象巽為風艮為山山木為風所落盞壞之象

皆同物

也林物猶類也言此三趙孟曰良醫也厚其禮而歸之

者為盞皆同物類也

杜贈賄。○楚公子圍使公子黑肱伯州犂城犂櫟邾杜

肱王子圍之弟子皙也。犂縣屬南陽。邾縣屬襄城。櫟今河南陽翟縣三邑本鄭地。○犂尺州反。櫟音歷。徐失灼。

反邾古鄭人懼子產曰不害。令尹將行大事。林令尹即公子圍

謂將而先除二子也。杜二子謂黑肱伯州犂禍不及鄭何患焉。冬

楚公子圍將聘于鄭。伍舉為介未出竟聞王有疾而還。

伍舉遂聘十一月己酉公子圍至入問王疾。縊而殺之。

杜縊絞也。孫卿曰以冠縷絞之長歷推己酉十二月六日經傳皆言十一月月誤也。○竟音境。縊一鼓反。遂

殺其二子幕及平夏。杜皆邾右尹子干出奔晉。杜子干

宮廐尹子皙出奔鄭

杜因築城而去廐居又反

殺大宰伯州犂于

郊

林因州犂城郊而殺之

葬王子郊謂之郊教

杜郊放楚于麋林楚人謂未成居為

教使赴于鄭伍舉問應為後之辭焉

言伍舉時奉使在鄭問使者以應立

為楚後之辭

對曰寡大夫圍伍舉更之曰共王之子圍為長

言伍舉更赴辭使從禮此告終稱嗣不以篡弒赴諸侯○其音恭長丁丈反

子干奔晉從車

五乘叔向使與秦公子同食

杜食祿同○從才用反乘繩證反下同

皆百

人之餘

百人一卒也其祿足百人○餘許氣反

趙文曰秦公子富

杜謂秦滅富強

秩祿不宜叔向曰底祿以德

林底致也德之厚薄與子干同致祿因也○底音旨德鈞

以年年同以尊公子以國

林德厚薄弱則以年齒為高下年長幼同則以尊卑為高

下皆公子也則以其國大小為高下

不聞以富且夫以千乘去其國彊禦

已甚詩曰不侮鰥寡不畏彊禦

杜詩大雅侮陵也。秦夫音扶鰥古顏反

楚匹也使后子與子干齒

杜以年齒為高下而坐

辭曰鍼懼選楚

公子不獲是以皆來亦唯命

杜不獲不得自安言俱奔事有優劣唯主入命所處

辭且臣與羈齒無乃不可乎

后子先來仕欲自同於晉臣為主入子干後來奔以

為羈旅之客

史佚有言曰非羈何忌

林忌忌也言不取羈客當誰敬哉秦鍼欲謙辭

以自別

楚靈王即位遂罷為令尹遂啟彊為大宰

杜靈王公子圍

也即位易名熊虔。○罷音皮彊其良反又居良反

鄭游吉如楚葬邾敖且聘立

君歸謂子產曰具行器矣楚王汰侈而自說其事必合

諸侯吾往無日矣

林言可具如楚之器備靈王驕汰奢侈且自喜其彊而不義之事必合諸

侯以圖伯業我往會楚必不久矣。汰音泰說音悅又始悅反

子產曰不數年未能也

林不數年之後未能合諸侯也為四年會申傳。數所主反

○十二月晉既烝

烝冬祭也

趙孟適南陽將會孟子餘

孟子餘趙衰趙武之曾祖其廟在於晉之南陽溫縣往會

祭甲辰朔烝于溫

杜趙氏烝祭甲辰十二月朔晉既烝趙孟乃烝其家廟則晉烝當在甲辰

之前傳言十二月月誤

庚戌卒

杜十二月七日終劉定公秦后子之言

鄭伯如晉弔

及雍乃復

杜弔趙氏蓋趙氏辭之而還傳言大  
夫彊諸侯畏而弔之○雍於用反

左傳杜林合注卷三十四

欽定四庫全書

左傳杜林合注卷三十五 明 王道焜

趙如源 同編

昭公二

經

辛酉

二年春晉侯使韓起來聘。夏叔弓如晉。

叔弓叔老子

○秋鄭殺其大夫公孫黑。

書名惡之薰隧盟子產不討遂以為卿故書之

○冬

公如晉至河乃復。

吊少姜也晉人辭之故還

○季孫宿如晉。

杜致禮服也公

實以秋行冬還乃書



傳二年春晉侯使韓宣子來聘

杜公即位故林韓宣子即韓起

且告為

政而來見禮也

杜代趙武為政雖盟主而修好同盟故曰禮。見賢適反。

觀書於大

史氏見易象與魯春秋曰周禮盡在魯矣

杜易象上下經之象辭魯

春秋史記之策書春秋遵周公之典以序事故曰周禮盡在魯矣

吾乃今知周公之德

與周之所以王也

易象春秋文王周公之制當此時儒道廢諸國多闕唯魯備故宣子適魯

而說之。公享之季武子賦絲之卒章

杜絲詩大雅卒章義取文王有

四臣故能以絲絲致興盛以晉侯比文王以韓子比四輔

韓子賦角弓

杜角弓詩小雅取其兄弟

齊姻無胥遠矣言兄弟之國宜相親

季武子拜曰敢拜子之彌縫敝邑寡

君有望矣

杜彌縫猶補合也謂以兄弟之義。縫扶恭反

武子賦節之卒章

杜節

詩小雅卒章取式訛爾心以言萬邦以言晉德可以畜萬邦。節才結反徐如字

既享宴于季

氏有嘉樹焉宣子譽之

杜譽其好也。譽音餘

武子曰宿敢不封

殖此樹以無忘角子

杜封厚也。殖長也

遂賦甘棠

杜甘棠詩召南召伯息於

甘棠之下詩人思之而愛其樹武子欲封殖嘉樹如甘棠以宣子比召伯

宣子曰起不堪也

無以及召公宣子遂如齊納幣

杜為平公聘少姜

見子雅子雅

召子旗

子旗子雅之子

使見宣子宣子曰非保家之主也不臣

杜志氣亢林亢極將有無君之心。見賢遍反下同

見子尾子尾見彊

彊子尾之子

宣

子謂之如子旗

杜亦不臣

大夫多笑之

林齊諸大夫笑其過言

唯晏子

信之曰夫子君子也

杜夫子韓起

君子有信其有以知之矣

為十年齊樂施高疆來奔張本

自齊聘於衛衛侯享之北宮文子賦淇

澳

杜淇澳詩衛風美武公也言宣子有武公之德。淇音其澳於六反

宣子賦木瓜

杜木瓜亦

衛風義取於欲厚報以為好

○夏四月韓須如齊逆女

須韓起之子逆少姜

齊

陳無宇送女致少姜少姜有寵於晉侯晉侯謂之少齊

杜為立別號所有寵異之。少詩照反

謂陳無宇非卿

杜欲使齊以適夫人禮送少姜

執

諸中都

杜中都晉邑在西河界休縣東南

少姜為之請曰送從逆班

林班

列也言送女當從逆女之班

畏大國也猶有所易是以亂作

杜韓須公族大

夫陳無字上大夫言齊畏晉改易禮制使上大夫送遂致此執辱之罪蓋少姜謙以示譏

○叔子聘

于晉報宣子也

杜此春韓宣子來聘

晉侯使郊勞

聘禮賓至近郊君使卿勞之

勞力報反

辭曰寡君使子來繼舊好固曰女無敢為賓徹命

於執事敝邑孔矣

杜徹達也女音汝下同

敢辱郊使請辭

杜辭郊勞使

所使反下同

致館辭曰寡君命下臣來繼舊好好合使成臣

之祿也

杜已通君命則於得為榮祿

敢辱大館

杜敢不敢

叔向曰子叔子

知禮哉

林子叔子即叔子

吾聞之曰忠信禮之器也卑讓禮之

宗也

杜宗猶主也

辭不忘國忠信也

杜謂稱舊好

先國後己卑讓

也

杜始稱敵邑之孔先國也次稱臣之祿後已也

詩曰敬慎威儀以近有德夫

子近德矣

杜詩大雅林夫子謂叔弓

○秋鄭公孫黑將作亂欲去游

氏而代其位

游氏大叔之族黑為游楚所傷故欲害其族

傷疾作而不果

杜前

年游楚所擊創

駟氏與諸大夫欲殺之

駟氏黑之族

子產在鄙聞之

懼弗及乘遽而至

林遽傳車驛馬也乘遽欲速至也。遽其據反

使吏數之

杜責

數其

曰伯有之亂

杜在襄二十年

以大國之事而未爾討也

杜務

共大國之命不服治女罪

爾有亂心無厭國不女堪專伐伯有而罪

一也昆弟爭室而罪二也

杜謂爭徐吾犯之妹。厭於鹽反。

薰隧之盟

杜在元年六月

女矯君位而罪三也

謂使大史書子。矯居表反。

有死罪三

何以堪之不速死大刑將至再拜稽首辭曰死在朝夕

林言已傷重不久將死

無助天為虐子產曰人誰不死凶人不終

命也作凶事為凶人不助天其助凶人乎請以印為褚師

杜印子皙之子褚師市官。褚張呂反。

子產曰印也若才君將任之不才

將朝夕從女女罪之不恤而又何請焉不速死司寇

將至七月壬寅縊尸諸周氏之衢

林衢道也陳子皙之尸於衢道以示戮

加木焉

書其罪於木以加尸上

○晉少姜卒公如晉及河晉侯使

士文伯來辭曰非伉儷也

杜晉侯溺於所幸為少姜行夫人之服故諸侯弔不敢以

私煩諸侯故止之。

請君無辱公還季孫宿遂致服焉

杜致少姜之襚服公以末秋行始冬還還乃書之故經在冬

叔向言陳無宇於晉侯

曰彼何罪

杜彼無宇

君使公族逆之齊使上大夫送之猶曰

不共君求以貪

林送過逆班猶以齊為不共是晉之求於齊已過於貪

國則不共

逆卑於送是晉國不共

而執其使君刑已頗何以為盟主

杜頗不平。使

所吏反頗

且少姜有辭

杜謂請無宇之辭

冬十月陳無宇歸

杜晉

侯赦之

○十一月鄭印段如晉弔

杜弔少姜

經

壬戌

三年春王正月丁未滕子原卒

杜襄二十五年盟重丘林成公卒悼

公寧立

○夏叔子如滕○五月葬滕成公

卿共小國之葬禮過厚葬襄公

滕子來會故魯厚報之

○秋小邾子來朝○八月大雩○冬大雨

雹

無傳記災。雨于付反雹蒲學反

○北燕伯款出奔齊

不書大夫逐之而言奔罪

之也書名從告

傳三年春王正月鄭游吉如晉送少姜之葬梁丙與張

趯見之

二子晉大夫趯他歷反

梁丙曰甚矣哉子之為此來也

杜卿



共要葬過禮甚

。為于偽反

予太叔曰將得已乎

言不得止

昔文襄之霸

也

杜晉文公襄公

其務不煩諸侯令諸侯三歲而聘五歲而朝

有事而會不協而盟

杜明王之制歲聘問朝在十二年今簡之

君薨大夫弔

卿共葬事夫人士弔大夫送葬

先王之制諸侯之喪士弔大夫送葬在三十年

蓋時俗過制故文襄

雖節之猶過於古

足以昭禮命事謀闕而已

杜朝聘以昭禮

盟會以謀闕命事則

無加命矣

杜命有常

今嬖寵之喪不敢

擇位而數於守適

杜不敢以其位卑而令禮數如守適夫人然則時適夫人之喪弔送之禮

已過文襄之制。數所具反徐所主反適丁歷反下同

唯懼獲戾豈敢憚煩少姜

有寵而死齊必繼室

杜繼室復薦女

今茲吾又將來賀不唯此

行也張趯曰善哉吾得聞此數也然自今子其無事矣

譬如火焉

杜火心星

火中寒暑乃退

杜心以季夏昏中而暑退季冬旦中而寒退

此其極也能無退乎

杜季夏暑極季冬寒極極則必退理之必然以喻晉強之極宜漸衰

弱

晉將失諸侯諸侯求煩不獲

杜言將不能復煩諸侯

二大夫退

子太叔告人曰張趯有知其猶在君子之後乎

林君子為尊者

諱親者諱識其不為晉諱故在君子之後也。知音智

○丁未滕子原卒同盟故

書名

杜同盟於襄之世亦應從同盟之禮故傳發之

○齊侯使晏嬰請繼室于

晉

復以女繼少姜

曰寡君使嬰曰寡人願事君朝夕不倦將奉

質幣以無失時則國家多難是以不獲

杜不得自來。質之二反又如

字難乃旦反

不腆先君之適

杜謂少姜腆他燕反

以備內官焜燿寡

人之望

杜焜明也燿照也。焜胡本反又音昆耀羊照反

則又無祿早世隕命

寡人失望君若不忘先君之好惠顧齊國辱收寡人徼

福於大公丁公

杜徼要也二公齊先君言收恤寡人則先君與之福也。隕于敏反好呼報反

徼古堯反

大音泰

照臨敝邑鎮撫其社稷則猶有先君之適

杜適

夫人及遺姑姊妹

遺餘也

若而人

杜言如常人不敢譽

君若不棄敝

邑而辱使董振擇之以備嬪嫡寡人之望也

杜董正也  
振整也嬪

嬪嬪官。振之  
刃反一音真

韓宣子使叔向對曰寡君之願也寡君

不能獨任其社稷之事未有伉儷在纁絰之中是以未

敢請

制夫人之服則葬訖君臣乃釋服  
任音壬纁上雷反絰直結反

君有辱命惠莫

大焉若惠顧敝邑撫有晉國賜之內主豈唯寡君舉羣

臣實受其貺其自唐叔以下實寵嘉之

杜唐叔  
晉之祖

既成昏

許昏  
成

晏子受禮

杜受賓  
享之禮

叔向從之宴相與語叔向曰齊

其何如

杜問  
衰

晏子曰此季世也吾弗知齊其為陳氏矣

杜不知其他唯知齊將為陳氏。吾弗知絕句

公棄其民而歸于陳氏

杜棄民不恤

齊舊四量豆區釜鍾

林此四等量之別名。量音亮下同區烏侯反

四升為豆

各自其四以登於釜

杜四豆為區區斗六升四區為釜釜六斗四升登成也林自豆而區

自區而釜各加其四而成釜之數

釜十則鍾

杜六斛四斗

陳氏三量

林豆區釜三等

之皆登一焉鍾乃大矣

林登加也加一謂加舊量之一也以五升為豆五豆為區五區

為釜則區二斗釜八斗鍾八斛

以家量貸而以公量收之

杜貸厚而收薄。貸他代

反

山木如市弗加於山魚鹽蜃蛤弗加於海

林如往也山木往賣

於市價如在山不加貴海之雜利往賣於市價如在海不加貴。蜃食軫反蛤古答反

民參其力

二入於公而衣食其一

林齊國之民三分其力役之所得其二分入於公而共衣食其

一分言公重賦歛。

公聚朽蠹而三老凍餒

杜三老謂上壽中壽

參七南反又音三

下壽皆八十已上不見養

國之諸市屢賤踊貴

杜踊刑足者屢

過。聚在喻反又在主反

言刑多。屢九具反踊音勇

民人痛疾而或煥休之

杜煥休痛念之聲謂陳氏也。

煥於喻反又於六反休虛喻反徐許留反賈云煥厚也休美也

其愛之如父母而歸之

如流水欲無獲民將焉辟之箕伯直柄虞遂伯戲

四人皆舜

後陳氏之先。焉於虔反戲許宜反

其相胡公大姬已在齊矣

杜胡公四人之後周

始封陳之祖大姬其妃也言陳氏雖為人臣然將有國其先祖鬼神已與胡公共在齊。相息亮反大音泰

叔向曰然雖吾公室今亦季世也戎馬不駕卿無軍行

林晉國衰弱不能征討故戎車不復駕焉晉政公乘無離散不能統一故諸卿不備軍行。行戶郎反

人卒列無長

杜百人為卒言人皆非其人非其長。乘繩證反卒子忽反長丁丈反

庶民

罷敝而宮室滋侈

杜滋益也。罷音皮

道瑾相望

饑死為瑾。瑾音親

而女

富溢尤

林嬖寵女家富貴過甚

民間公命如逃寇讐藥卻胥原狐

續慶伯降在卓隸

杜人姓晉舊臣之族也卓隸賤官

政在家門

杜大夫專政

民無所依君日不悛以樂惱憂

杜惱藏也悛改也林以逸樂之過藏憂患之萌

。悛七全反樂音洛又音岳惱他刀反

公室之卑其何日之有

杜言今日護鼎

之銘

杜讒鼎名也。讒仕成反。服示疾讒之鼎也。

曰昧旦不顯後世猶怠

杜昧

旦早起也。不大也。言夙興以務大顯。後世猶解怠。昧音妹。不普悲反。

况日不愎其能久

乎晏子曰子將若何

杜問何以免此難

叔向曰晉之公族盡矣

盱聞之公室將卑其宗族枝葉先落則公從之

林國家之有宗

族如樹木之有枝葉也。本將撥枝葉必先落。公族衰落則國家從之。盱許乙反。盱之宗十一

族

杜同祖為宗

唯羊舌氏在而已盱又無子

無賢子

公室無度

杜無幸而得死

杜言得以壽終為幸

豈其獲祀

杜言必不祀

初景公欲

更晏子之宅曰子之宅近市湫隘囂塵不可以居

湫下隘小



萬聲塵土。秋子小反徐音秋又在請更諸爽塏者杜

酒反隘於賣反駢許驕反又五高反明塏燥。辭曰君之先臣容焉杜先臣晏子之先人臣不足以嗣

之於臣侈矣杜侈且小人近市朝夕得所求小人之利

也敢煩里旅杜旅衆也不敢勞衆為宅公笑曰子近市識貴賤乎

對曰既利之敢不識乎公曰何貴何賤於是景公繁于

刑杜繁多也有鬻踊者故對曰踊貴屨賤既已告於君故與

叔向語而稱之傳獲晏子令不與張趯同機。鬻羊六反賣也景公為是省於

刑君子曰仁人之言其利博哉晏子一言而齊侯省刑

詩曰君子如祉亂庶遯已

杜詩小雅如行也祉福也遯疾也言君子行福則庶幾亂

疾止也。為于偽反省所景反下同祉音恥遯市專反

其是之謂乎及晏子如晉

公更其宅反則成矣既拜

杜拜謝新宅

乃毀之而為里室皆

如其舊

杜本壞里室以大晏子之宅故復之。壞音怪

則使宅人反之

林使其宅之人

各還其故室

且詩曰非宅是卜唯鄰是卜

杜卜良鄰。諺音彥

二三子

先卜鄰矣

二三子謂鄰人

違卜不祥君子不犯非禮

去儉即奢為非禮

小人不犯不祥

林違卜遷居為不祥

古之制也吾敢違諸乎卒復

其舊宅

林卒復其隣人之舊宅

公弗許因陳桓子以請乃許之

傳言

齊晉之衰賢臣懷憂且言陳氏之興

○夏四月鄭伯如晉公孫段相甚敬

而卑禮無違者晉侯嘉焉授之以策

杜策賜命之書相息亮反

曰

子豐有勞於晉國

子豐段之父

余聞而弗忘賜女州田

杜州縣今

屬河內郡

以胙乃舊勲

林以胙報汝父舊日之勲勞

伯石再拜稽首

女音汝

受策以出君子曰禮其人之急也乎

林言人莫急於禮

伯石之

汰也

杜汰驕也汰音泰

一為禮於晉猶荷其祿况以禮終始乎

詩曰人而無禮胡不遄死其是之謂乎

林反證伯石有禮可取荷戶

可反初州縣藥豹之邑也

杜藥豹

及藥氏亡

林在襄二十三年

范宣子趙文子韓宣子皆欲之文子曰溫吾縣也

州本屬溫

溫趙氏邑

二宣子曰自卻稱以別三傳矣

杜卻稱晉大夫始受州自是州與溫

別至今傳三家。稱尺證反以別絕句傳直尊反

晉之別縣不唯州誰獲治之

杜言縣邑既別甚多無有得追而治取之

文子病之乃舍之二子曰吾不可

以正議而自與也

林言我不可以正議責人而自取其邑。舍音赦又音捨下同皆舍

之及文子為政趙獲曰可以取州矣

獲趙文子之子

文子曰退

使獲退也

二子之言義也

杜二子二宣子也

違義禍也余不能治余

縣又焉用州

林我若招禍且將不能治我之縣又安用州為哉。焉於虔反

其以徼禍

也君子曰弗知實難

杜惠不知禍所起

知而弗從禍莫大焉有

言州必死

杜有敢言取州者坐以死罪

豐氏故主韓氏

故猶舊也豐氏至晉舊以

韓氏為主

伯石之獲州也韓宣子為之請之為其復取之

之故

後若還晉因自欲取之為十年豐氏歸州張本。為于偽反

○五月叔弓如滕

葬滕成公子服椒為介及郊遇懿伯之忌敬子不入

杜忌

怨也懿伯椒之叔父敬子叔弓也叔弓禮椒為之辟仇

惠伯曰公事有公利無私

忌椒請先入乃先受館敬子從之

杜惠伯子服椒也傳言叔弓之有禮

○

晉韓起如齊逆女

杜為平公逆

公孫薑為少姜之有寵也以

其子更公女而嫁公子

更嫁公女。黃敎違反

人謂宣子子尾欺

晉晉胡受之宣子曰我欲得齊而遠其寵寵將來乎

杜寵

謂子尾林我欲得齊人之心子尾有寵于齊而我反疎遠之子尾其將以齊歸我乎。遠于萬反

○秋

七月鄭罕虎如晉賀夫人且告曰楚人日徵敝邑以不

朝立王之故

杜楚靈王新立

敝邑之往則畏執事其謂寡君而

固有外心其不往則宋之盟云

杜云交相見

進退罪也

林往朝則

恐得罪於晉不往則恐得罪於楚

寡君使虎布之

杜布陳也

宣子使叔向對

曰君若辱有寡君在楚何害

林言鄭君若有心服事晉君雖在楚國何害於好

修宋盟也君苟思盟寡君乃知免於戾矣君若不有寡

君雖朝夕辱於敝邑寡君猜焉

猜疑也。猜又才反。

君實有心何

辱命焉

杜言若有事晉心至楚可不須告

君其往也苟有寡君在楚猶

在晉也張趯使謂大叔曰自子之歸也

歸在此年春

小人冀

除先人之敝廬曰子其將來今子皮實來小人失望大

叔曰吉賤不獲來

杜賤非上卿

畏大國尊夫人也且孟曰而

將無事吉庶幾焉

杜孟張趯也庶幾如趯言

○小邾穆公來朝季武

子欲卑之

不欲以諸侯禮待之

穆叔曰不可曹滕二邾實不忘我

好敬以逆之猶懼其貳又畀一睦焉

一睦謂小邦

逆羣好也

林是不順和好而逆衆心也。好呼報反

其如舊而加敬焉志曰能敬無災

又曰敬逆來者天所福也季孫從之。八月大雩旱也

○齊侯田於菖

杜菖齊東竟

盧蒲癸見泣且請曰余髮如此

種種余奚能為

杜癸慶封之黨襄二十八年放之於竟種種短也自言衰老不能復為害。癸

普結反又因舌反見賢通反種章勇反

公曰諾吾告二子

杜二子子雅子尾

歸而

告之子尾欲復之子雅不可曰彼其髮短而心甚長其

或寢處我矣

林彼謂盧蒲癸其髮雖短而心之所圖甚長襄二十八年盧蒲癸謂子雅子尾譬如



禽獸吾寢處之矣故子雅謂其不可測以此為對

九月子雅放盧蒲癸于北燕

杜恐其復作亂

○燕簡公多嬖寵欲去諸大夫而立其寵人冬

燕大夫比以殺公之外嬖

杜比相親比比昆志反

公懼奔齊書曰

北燕伯款出奔齊罪之也

款罪輕於衛衍重于蔡朱故舉中示例

○十月

鄭伯如楚子產相楚子享之賦吉日

杜吉日詩小雅宣王田獵之詩楚王

欲與鄭伯共田故賦之。相息亮反

既享子產乃具田備王以田江南之

夢

楚之雲夢跨江南北夢如字徐莫公反

○齊公孫竈卒

杜竈子雅

司馬竈見

晏子

司馬竈齊大夫

曰又喪子雅矣晏子曰惜也子旗不免殆

哉

林子旗子雅之子其父既死子旗必不免於危殆也杜以其不臣。喪息浪反

姜族弱矣而

媯將始昌

杜媯陳氏。媯九危反

二惠競爽猶可

林子雅子尾皆齊惠公之孫競

彊也爽明也言子雅子尾

又弱一个焉姜其危哉

林宗族公

二惠彊明猶可以為國

室之技業也姜之公族衰落國必危矣故齊終為陳氏所有。今古賀反

經

癸亥

四年春王正月大雨雹

當雪而雹故以為災而書之。雨于付反傳同雹蒲

學反

○夏楚子蔡侯陳侯鄭伯許男徐子滕子頓子胡子

沈子小邾子宋世子佐淮夷會于申

杜楚靈王始合諸侯林楚專合諸侯

始此以楚莊之賢辰陵之盟從之者陳鄭焉耳申之會合十有二國楚之得志於中國未有盛於此時也。沈

音 ○楚人執徐子 杜稱人以執以不道於其民告 林書執徐子危會申之諸侯也 ○秋

七月楚子蔡侯陳侯許男頓子胡子沈子淮夷伐吳 杜

申會以伐吳不言諸侯者鄭徐滕小邾宋不在故也胡國汝陰縣西北有胡城 執齊慶封殺之

楚子欲行霸為齊討慶封故稱齊 遂滅賴 ○九月取鄆 鄆莒邑傳例曰克邑不用師徒

曰取。鄆才陵反 ○冬十有二月乙卯叔孫豹卒

傳四年春王正月許男如楚楚子止之 欲與俱田 遂止鄭伯

復田江南許男與焉 杜前年楚子己與鄭伯田江南故言復。與音預 使椒舉

如晉求諸侯 林楚靈王欲專會諸侯使椒舉往晉求之 二君待之 杜二君椒

舉致命曰寡君使舉曰日君有惠賜盟于宋

宋盟在襄二十七年

曰晉楚之從交相見也以歲之不易

杜不易言有難易以鼓反

寡

人願結驩於二三君

杜欲得諸侯謀事補闕。驩與端反

使舉請問君若

苟無四方之虞

杜虞度也。音閑又如字

則願假寵以請於諸侯

杜欲借君之威寵以致諸侯

晉侯欲勿許司馬侯曰不可楚王方侈

天或者欲逞其心以厚其毒而降之罰未可知也其使

能終亦未可知也晉楚唯天所相

杜相助也。逞勅景反相息亮反

不

可與爭君其許之而修德以待其歸

杜增修晉德以待楚君之所歸

若

歸於德吾猶將事之況諸侯乎若適淫虐楚將棄之雖林

楚國猶將棄之不以為君吾又誰與爭公曰晉有三不殆其何敵之

有殆危也。殆直改反。國險而多馬齊楚多難林表裏山河是國險也冀北產馬是

多馬也齊楚多篡弑之禍是多難也有是三者何鄉而不濟對曰恃險與

馬而虞鄰國之難是三殆也四嶽林東嶽岱山在兗州西嶽華山在雍州南

嶽衡山在荊州北嶽恒山在冀州。卿許亮反三塗林山名大行轅轅靖題陽

城在陽城大室杜在河南陽城縣西南林即中嶽荆山在陽城北

在新城汴中南在始平武功縣南九州之險也是不一姓杜雖是

下至陰無德則滅亡

冀之北土

燕代

馬之所生無興國焉恃險與馬

不可以為固也從古以然是以先王務修德音以亨神

人

林亨通也幽則德通於神明則德通於人。亨許庚反

不聞其務險與馬也鄰

國之難不可虞也或多難以固其國啓其疆土或無難

以喪其國失其守宇

杜於國則四垂為宇。疆居良反喪息浪反下同

若何虞

難齊有仲孫之難而獲桓公至今賴之

杜仲孫公孫無知事在莊九年

晉有里克之難而獲文公是以為盟主

里克不鄭事在僖九年

衛

邢無難敵亦喪之

閔二年狄滅衛僖二十五年衛滅邢。邢音刑

故人之難不

可虞也恃此三者而不修政德亡於不暇又何能濟君

其許之紂作淫虐文王惠和殷是以隕周是以興夫豈

爭諸侯

林殷以不德而隕滅周以有德而興  
盛興亡惟在於德豈在爭諸侯哉

乃許楚使

使叔向對曰寡君有社稷之事是以不獲春秋時見

杜言

不得自往謙辭。使  
所吏反見賢通反

諸侯君實有之何辱命焉椒舉遂

請昏

蓋楚子遣舉  
時兼使求昏

晉侯許之楚子問於子產

林子產時  
從鄭簡公

在楚故楚  
子問之

曰晉其許我諸侯乎對曰許君晉君少安不

在諸侯

杜安於小小  
不能遠圖

其大夫多求

杜貪也

莫匡其君在宋

之盟又曰如一

晉楚同也

若不許君將焉用之

焉用宋盟。焉於震反

王曰諸侯其來乎對曰必來從宋之盟承君之歡不畏

大國

杜大國晉也

何故不來不來者其魯衛曹邾乎曹畏宋

邾畏魯魯衛偏於齊而親於晉唯是不來其餘君之所及

也誰敢不至

杜言楚威力所能及。偏彼力反

王曰然則吾所求者

無不可乎對曰求逞于人不可

逞快也求人以快意人必違之

與人同

欲盡濟

杜為下會申傳

○大雨雹季武子問于申豐曰雹可禦

乎

杜禦止也申豐魯大夫

對曰聖人在上無雹雖有不為災古者



日在北陸而藏冰

陸道也謂夏十二月日在虛危冰堅而藏之

西陸朝覲而

出之

杜謂夏三月日在昴畢蟄蟲出而用冰春分之中奎星朝見東方。朝如字覲徒歷反

其藏

冰也深山窮谷固陰沍寒於是乎取之

林深山窮谷冰之所積固陰沍

寒陽之所鬱杜沍閉也必取積陰之冰所以達道其氣使不為災。沍戶故反

其出之也朝之

祿位賓食喪祭於是乎用之

林朝廷之臣食祿在位者公私皆得用冰不獨其君

之其藏之也黑牡秬黍以享司寒

杜黑牡黑牲也秬黑黍也司寒玄冥北方

之神故物皆用黑有事於冰故祭其神。牡後反秬音巨

其出之也桃弧棘矢以

除其災

杜桃弧棘箭所以攘除凶邪將御至尊故。弧音胡

其出入也時食肉之

祿水皆與焉

杜食肉之祿謂在朝廷治其職事就官食者。與音預。

大夫命婦喪

浴用水

杜命婦大夫妻林氏時向熱則喪浴皆得用水

祭寒而藏之

杜享司寒獻羔

而啓之

杜謂二月春分獻羔祭韭始開冰室

公始用之

杜公先用優尊

火出而畢

賦

火星昏見東方謂三月四月中

自命夫命婦至于老疾無不受冰

杜老

致仕在家者

山人取之縣人傳之

杜山人虞官縣人遂屬。傳直專反

輿人納

之隸人藏之

杜輿隸皆賤官

夫水以風壯

杜水因風寒而堅

而以風出

順春風而散用

其藏之也周

杜月密也

其用之也徧

杜及老疾

則冬無愆

陽

杜愆過也謂冬溫

夏無伏陰

杜伏陰謂夏寒

春無淒風

淒寒也。淒上西反

秋

無苦雨

杜霖雨為人所患苦

雷出不震

杜震霆也

無菑霜雹癘疾不降

杜癘惡氣也林時和故癘疾不降。菑音災下同癘音例

民不夭札

短折為夭夭死為札。札側八

反又

今藏川池之冰棄而不用

杜既不藏深山窮谷之冰又大出不畢賦有餘

音戲

風不越而殺雷不發而震

杜越散也言陰陽失序雷風為害。殺如字又

則棄

色界

雹之為菑誰能禦之七月之卒章藏冰之道也

杜

月詩幽風卒章曰二之日鑿冰沖沖謂十二月鑿而取之三之日納于凌陰凌陰冰室也四之日其蚤獻羔祭

韭謂二月春分蚤開冰室以薦宗廟

○夏諸侯如楚魯衛曹邾不會曹邾

自以為難公辭以時祭衛侯辭以疾

杜如子產言難乃旦反鄭伯

先待于申

林自楚先至會地

六月丙午楚子合諸侯于申椒舉

言於楚子曰臣聞諸侯無歸禮以為歸

林諸侯無常依歸惟有禮者乃

依歸

今君始得諸侯其慎禮矣霸之濟否在此會也夏

啓有釣臺之享

杜啓禹子也河南陽翟縣南有釣臺陂蓋啓享諸侯於此

商湯有景

亳之命

河南鞏縣西南有湯亭或言亳即偃師。亳步各反

周武有孟津之誓

將伐

紂成有岐陽之蒐

杜周成王歸自奄大蒐於岐山之陽岐山在扶風美陽縣西北

康有

鄠宮之朝

杜鄠在始平鄠縣東有靈臺康王於是朝諸侯。鄠芳弓反

穆有塗山之

會

杜周穆王會諸侯於塗山塗山在壽春東北

齊桓有召陵之師

在僖四年。召上照

反 晉文有踐土之盟

在僖二十八年

君其何用

林君謂靈王當於六王二公之

事擇用何禮

宋向戌鄭公孫僑在諸侯之良也君其選焉

杜選

擇所用。向舒亮反。戌音恤僑其驕反。

王曰吾用齊桓

用會召陵之禮

王使問禮

於左師與子產左師曰小國習之大國用之敢不薦聞

言所聞謀示所未行

獻公合諸侯之禮六

杜其禮六儀也宋爵公故獻公禮

子產

曰小國共職敢不薦守獻伯子男會公之禮六

杜鄭伯爵故獻

伯子男會公之禮其禮同所從言之異。共音恭守子又反

君子謂合左師善守先

代子產善相小國王使椒舉侍於後以規過

杜規正二子之過。

相息亮反卒事不規王問其故對曰禮吾未見者有六焉又

何以規

杜左師子產所獻六禮楚皆未嘗行

宋太子佐後至王田於武城

久而弗見椒舉請辭焉

請王辭謝之

王使往曰屬有宗桃之

事於武城

杜言為宗廟田獵。屬章玉反適也。桃他彫反。

寡君將墮幣焉敢謝

後見

杜恨其後至故言將因諸侯會布幣乃相見經并書宋太子佐知此言在會前。墮詩規反布也。輸

反見如字又賢適反

徐子吳出也以為貳焉故執諸申

言楚子以疑罪執諸

侯楚子示諸侯侈

杜自奢侈

椒舉曰夫六王二公之事

六王啓湯

武成康穆也二公齊桓晉文

皆所以示諸侯禮也諸侯所由用命也

夏桀為仍之會有緡叛之

杜仍緡皆國名。緡亡中反。

商紂為黎之

蒐東夷叛之

黎東夷國名。

周幽為大室之盟戎狄叛之

杜大室中。

獄

皆所以示諸侯汰也。諸侯所由棄命也。今君以汰無

乃不濟乎。王弗聽。子產見左師曰：「吾不患楚矣。汰而懷

諫

林懷狼也。汰侈而懷狼。以拒諫諍。懷皮逼反。

不過十年

林十數之小成也。故知其不能過十

年。左師曰：「然不十年侈其惡，不遠遠惡而後棄。」

惡及遠方則人

棄善亦如之。德遠而後興

林善不積不足以成名。故亦如惡久而後興。杜為十三年

楚弑其君傳

○秋七月，楚子以諸侯伐吳。宋太子鄭伯先歸。

經所以更敘諸侯也時晉之屬國皆歸獨言二宋華費國者鄭伯久於楚宋太子不得時見故慰遣之

遂鄭大夫從

杜從伐吳以答見慰。費扶味反從才用反。

使屈申圍朱方

朱方

吳邑齊慶封所封也屈申屈蕩之子。屈居勿反。

八月甲申克之執齊慶封而

盡滅其族

杜慶封以襄二十八年奔吳八月無甲申日誤林楚假大義為齊討慶封故盡滅慶氏之

族將戮慶封椒舉曰臣聞無瑕者可以戮人慶封唯逆

命是以在此

杜逆命謂性不恭順

其肯從於戮乎

杜言不肯然而從戮

播於

諸侯焉用之

林播揚也將戮慶封而曰播揚其惡於諸侯安用如此。焉于虔反。

王弗聽

負之斧鉞以徇於諸侯

林使慶封自負斧鉞以徇告於諸侯使以為戒

使言曰



無或如齊慶封弑其君弱其孤以盟其大夫

杜齊崔杼弑君慶封

其黨也故以弑君罪責之林襄二十五年盟于大宮日不與崔慶者

慶封曰無或如楚共

王之庶子圍弑其君兄之子麋而代之以盟諸侯王使

速殺之遂以諸侯滅賴賴子面縛銜璧士袒輿櫬從之

造於中軍

林賴子賴之君自縛惟露其面手縛故口銜璧以為質士袒衣與載棺以從賴子之後示

歸死中軍王所將故造焉。共音恭櫬初覲反造七報反

王問諸椒舉對曰成王克

許

在傳六年

許僖公如是王親釋其縛受其璧焚其櫬王從

之

杜從舉言。縛如字舊扶臥反

遷賴於鄢

杜鄢楚邑。鄢於晚反又於建反

楚子欲

遷許於賴使鬬韋龜與公子棄疾城之而還

杜為許城也韋龜子

文之主孫

申無宇曰楚禍之首將在此矣召諸侯而來伐國

而克城竟莫校

杜謂築城於外竟諸侯無與爭。竟音境

王心不違

林王之欲心莫

有違者

民其居乎

杜言將有事不得安也

民之不處其誰堪之不堪

王命乃禍亂也。九月取鄆言易也。莒亂著丘公立而

不撫鄆鄆叛而來故曰取凡克邑不用師徒曰取

杜著丘公

去疾也不書奔者潰散而來將師微也重發創者以通叛而自來。易以鼓反著直居反徐直據反。○鄭

子產作丘賦

丘十六井當出馬一匹牛三頭今子產別賦其田如魯之田賦田賦在哀十一年

國人謗之

杜謗毀也

曰其父死於路

謂子國為尉氏所殺

已為蠶尾

謂林

子產重賦毒害百姓如蜂蠶之尾

以令於國國將若之何子寬以告

子寬

鄭大夫

子產曰何害苟利社稷死生以之

杜以用也

且吾聞為

善者不改其度故能有濟也民不可逞度不可改

杜度法也

林欲為善者不改其所守之法度故能有成功民心不可使之逞快法度不可使之改變

詩曰禮義

不愆何恤於人言

杜逸詩子產自以為權制濟國於禮義無愆

吾不遷矣

杜遷

移也渾罕曰國氏其先亡乎

杜渾罕子寬林國氏以子產父字為氏也言其歛怨於民先

亡。渾侯溫反罕許但反

君子作法於涼其敝猶貪

林涼薄也言君子作法什

一取民欲從其薄其流敵猶  
至於貪。涼音良陰音亮

作法於貪敵將若之何

不言

可久

姬在列者

杜在列國也

蔡及曹滕其先亡乎偪而無禮

林蔡偪楚曹滕偪宋  
又無禮以為之本

鄭先衛亡偪而無法

林鄭偪於晉楚而無法以

為之

政不率法而制於心民各有心何上之有

子產權時救急

渾罕譏  
以正道

○冬吳伐楚入棘櫟麻

杜棘櫟麻皆楚東鄙邑譙國鄆縣東北有棘亭

汝陰新蔡縣東北有櫟亭  
○櫟力狄反徐失灼反

以報朱方之役

朱方役在此年秋

楚

沈尹射奔命於夏汭

夏汭漢水曲入江今夏口也吳兵在東北楚盛兵在東南以絕其後

○射食夜反又食  
亦反汭如銳反

箴尹宜咎城鍾離

宜咎本陳大夫襄二十四年奔楚

箴之林反遂啓疆城巢然丹城州來

然丹鄭穆公孫襄十九年奔楚。遂子委反疆

其良反又

東國水不可以城

杜東國郡賴之故國也時大水不可興城築之役

彭生罷賴之師

杜彭生楚大夫罷闕韋龜城賴之師。罷皮賈反徐甫綺反

○初穆

子去叔孫氏及庚宗

杜成十六年辟僑如之難奔齊庚宗魯地

遇婦人使私

為食而宿焉問其行告之故哭而送之

杜婦人聞而哭之

適齊

娶於國氏

國氏齊正卿姜姓

生孟丙仲壬夢天壓已弗勝

林穆子夢

天墜壓已力不能勝。壓於申反又於輟反勝音升下同

顧而見人黑而上僂

林色黑而

看上僂僂。僂力主反

深目而玃喙

林目深而口象猪。玃音加喙許機反

號之曰

牛助余乃勝之旦而皆召其徒無之

杜徒從者林穆子夜夢既旦皆召其

徒黨而視之無人相貌名牛與所夢相似。號胡列反又戶力反下同

且曰志之

杜志識也及

宣伯奔齊饋之

杜宣伯僑如穆子之兄成十六年奔齊穆子饋宣伯。饋求位反餉也

宣

伯曰魯以先子之故

杜先子宣伯先人

將存吾宗必召女召女

何如對曰願之久矣

杜兄始為亂已則有今日之顧蓋念言。女音汝下同

魯人

召之不告而歸

林不告僑如而歸

既立

杜在齊生孟丙仲壬魯名之立為卿襄二年始

見所宿庚宗之婦人獻以雉

杜獻穆子

問其姓

杜問有子否。女生曰姓

姓謂子也

對曰余子長矣能奉雉而從我矣

杜襄二年暨牛五六歲。長丁

夫反下同

召而見之則所夢也未問其名號之曰牛

林試

號其名曰牛

以驗所夢 曰唯皆召其徒使視之遂使為豎

豎小臣也傳言

從夢未必吉。唯

有寵

林穆子以牛應夢故寵愛之

長使為政

杜為家政

公孫明知叔孫於齊

杜公孫明齊大夫子明也與叔孫相親知

歸未逆國姜

子明取之

○國姜孟仲母。姜又佳反又如字

故怒其子長而後使逆之

杜子孟丙仲壬

田於丘薊

林穆子田獵於丘薊之地。薊音由

遂遇疾焉豎牛欲

亂其室而有之強與孟盟不可

杜欲使從己孟不肯強其丈反下同

叔

孫為孟鐘

林叔孫為其子孟丙鑄鐘。為于偽反又如字

曰爾未際

杜際接也孟未與諸

大夫相  
接也

饗大夫以落之

以鞞猪血  
饗鐘曰落

既具

杜饗  
禮具

使豎牛請

日

杜請  
饗日

入弗謁

杜謁白也

林豎牛既  
入弗謁告於叔孫

出命之日

杜許  
今日

及

賓至聞鐘聲

林叔孫不知享賓  
聞鐘聲而怪之

牛曰孟有北婦人之客

杜北婦人國姜也容謂公孫明林蓋豎牛  
投穆子所忌謂孟丙享公孫明以落鐘

怒將往牛止

之賓出使拘而殺諸外

杜殺  
孟丙

牛又強與仲盟不可仲與

公御萊書觀於公

杜萊書公御士名仲與之私遊觀於  
公宮。萊音來觀古亂反又如字

公與之環

林賜  
玉環

使牛入示之

林仲壬使豎牛以  
賜環入示叔孫

入不示

出命佩之牛謂叔孫見仲而何

杜而何如何  
見賢遍反下同

叔孫曰



何為

杜怪牛言

曰不見既自見矣

杜言仲己自往見公

公與之環而佩

之矣遂逐之奔齊疾急命召仲牛許而不召杜洩見告

之饑渴授之戈

杜洩叔孫氏宰也牛不食叔孫叔孫怒欲使杜洩殺之洩息列反

對

曰求之而至又何去焉

杜言求食可得無為去豎牛蓋杜洩力不能去設辭以勉

豎

牛曰夫子疾病不欲見人使寘饋于介而退

杜寘置也介東西廂

。寘之鼓反介東賀反

牛弗進則置虛命徹

杜寫器令空示若叔孫己食命去之十

二月癸丑叔孫不食乙卯卒

杜二日絕糧

牛立昭子而相之

昭子豹之庶子叔孫猶也。相息亮反

公使杜洩葬叔孫豎牛賂叔仲昭

子與南遺

杜昭子叔仲帶也南遺季氏家臣

使惡杜洩於季孫而去之

杜憎洩不與己同志。惡烏路反

杜洩將以路葬且盡卿禮

杜路王所賜叔孫車

南遺謂季孫曰叔孫未乘路葬焉用之且冢卿無路介

卿以葬不亦左乎

杜冢卿謂季孫介次也左不便。季馬於虔反下同左如字舊音佐

季

孫曰然使杜洩舍路

杜舍置也。舍式夜反或音捨

不可曰夫子受命

於朝而聘於王

杜在襄二十四年夫子謂叔孫

王思舊熟而賜之路

杜感

其有禮以念其先人

復命而致之君

杜豹不敢自乘

君不敢逆王命而復

賜之使三官書之吾子為司徒實書名

杜謂季孫也書名定位號

夫

子為司馬與工正書服

杜謂叔孫也服車服之器工正所書

孟孫為司空

以書勲

杜勲功也

今死而弗以是棄君命也書在公府而弗

以是廢三官也

杜書名書服書勲皆在公府而弗用是廢三官之所書也

若命服生

弗敢服死又不以將焉用之乃使以葬季孫謀去中軍

豎牛曰夫子固欲去之

杜誣叔孫以媚季孫

左傳杜林合注卷三十五